

四庫全書

子部

欽定四庫全書

子部

農政全書卷二十八

詳校官中書臣寶汝翼

編修臣倉聖脈覆勘

總校官進士臣朱 鈐

校對官中書臣高 中

謄錄監生臣施 華

欽定四庫全書

農政全書卷二十八

明 徐光啓 撰

樹藝

蔬部

葵廣雅曰歸丘葵也說文葵菜也

按爾雅翼云葵揆也葵葉傾日不使照其

足因知足以揆之公儀休相食葵而美拔之不與民爭利古人採葵必待露解故一名露葵陶弘景曰葵

子出少室山以秋種覆養經冬至春作子者謂之冬葵正月種者為春葵一名衛足一名滑菜言其性也賈

思聰曰有紫莖白莖二種種別有大小之殊又有鴨脚
葵天有十日葵與終始故葵從葵葵陽草也其性易
生不拘肥瘠地皆有之王禎曰葵為百菜之主備四
時之饌本豐而耐早味甘而無毒供食之餘可為臘
枯柈之遺可為撈簇子若根則能療疾咸無棄材誠蔬
茹之上品民生之資助也另有蜀葵莧葵龍葵終葵
後附

齊民要術種法臨種時必燥曝葵子

葵子雖經歲不涸然濕種者疥而不

肥也玄扈先生曰凡種皆然不獨葵也

地不厭良故墟彌善薄即糞之不

宜妄種春必畦種水澆

春多風旱非畦不得且畦者畦省地而菜多一畦供一口

長兩步廣一步

大則水難均又不用人足入

深掘以熟糞對半和土

覆其上令厚一寸鐵齒杷耬之令熟足蹋使堅平下水

徹澤水盡下葵子又以熟糞和土覆其上令厚一寸餘

葵生三葉然後澆之

澆用晨夕日中便止

每一掐輒杷耬地令起

下水加糞三掐更種一歲之中凡得三輩

凡畦種之物治畦皆如種

葵法不復條列煩文

早種者必秋耕十月末地將凍散子勞之

畝一

三升正月末散子亦得

人足踐踏之乃佳

踐者菜肥

地釋即生鋤不厭

數五月初更種之

春者既老秋葉落未生故種此相接

六月一日種白莖

秋葵

白莖者宜乾紫莖者乾即黑而澀

秋葵堪食仍留五月種者取子

春葵子熟不均
故須留中輩

於此時附地剪却春葵冷根上斡生者

柔輒至好仍供常食美于秋菜
掐秋菜必留五六葉

不掐

則莖孤留葉多則科大

凡掐必待露解

諺曰觸露不掐葵日中不剪韭

八月半剪

去留其歧多者則去地一二寸

斡生肥嫩比至收時高

與人膝等莖葉皆美科雖不高菜實倍多

其不剪早生者雖高數尺

柯葉堅硬全不中食所可用者惟有葉心附葉黃澀至惡煮亦不美看雖似多其實倍少

收待霜降

傷早黃爛傷晚黑澀 榜簇皆須陰中

見日亦澀

其碎者割訖即地中尋

手紮之

待萎而紮者必爛

又種冬葵法九月收菜後即耕至十月半令得三遍每

耕即勞以鐵齒杷耬去陳根使地極熟令如麻地于中

逐常穿井十口

井必相當邪角則妨地地形狹長者井必作一行地形正方者作兩三行亦不

嫌也井別作桔槔轆轤

井深用轆轤井淺用桔槔

柳籬令受一石

籬小用則

功費十月末地將凍漫散子惟概為佳

畝用子六升

散訖即再

勞有雪勿令從風飛去

勞雪令地保澤葉又不蟲

每雪輒一勞之若

令冬無雪臘月中汲井水普勞澆悉令徹澤

有雪則不荒玄扈先

生曰無草木不待雪無雪悉宜澆凡草木冬植者皆以乾不以寒也

正月地釋驅踏破地

皮

不踏即枯涸
皮破即香涸

春暖草生葵亦俱生三月初葉大如錢

逐概處拔者賣生

十手拔乃禁取兒女子
七歲已上皆得充事也

一升葵還得

一升米日日常投看稀稠得所乃止有草拔却不得用

鋤自四月八日以後則日日剪賣其剪處尋以手拌斫

斷地令其起水澆糞覆之

四月亢旱不澆則不長有雨
則不須四月以前雖旱亦不

須澆地實保澤
雪勢未盡故也

比及剪遍初者還復周而復始日日無

窮至八月社日上留作秋菜九月指地賣收訖即急耕

依去年法三十畝勝作十頃穀田止須一乘車牛專供

此園

耕勞輦糞賣菜終歲不開

若糞不可得者五六月中概種菜豆

至七月八月犁掩殺之如以糞糞田則良美與糞不殊

又省功力

其井間之田犁不及者可畦以種諸菜

崔寔曰正月可作種瓜瓠葵芥釐大小蔥蒜苜蓿及雜蒜亦種此二物皆不如秋六月六日可種葵中伏後可種冬葵九月作葵蒔乾葵

家政法曰正月種葵

農桑通訣曰春宜畦種種宜散種然夏秋皆可種也詩

曰七月烹葵此種之早者俗呼為秋葵遲者為冬葵又
曰六月六日種葵中伏以後可種冬葵時有先後為之
在人宿根在地春生嫩葉亦可採食前金人以韭蓼汁
併雞肉和食謂之冷羹最為上饌

莖葉叢茂時方可刈嫩惟採擷之耳杜詩云刈葵莫放
手放手傷葵根蓋傷根則不生

葵花乾入炭壑內引火耐燒 葵葉可染紙所謂葵箋
也

蜀葵爾雅曰葍戎葵也

郭璞注云今蜀葵也 爾雅翼云蜀葵即吳葵 夏小正云四

月小滿後五日吳葵華陶弘景云吳葵即此也又有一種小者名錦葵即荆葵也 爾雅謂之葍 又有黃蜀葵

別是一種即秋葵也

種法春初種子冬月宿根亦自生苗過小滿後長莖高

五六尺花似木槿而大

李時珍曰葉嫩時亦可茹食其穉剝皮可緝布作繩

龍葵釋名曰苦葵

一名苦菜一名天泡草一名鴉眼睛一名酸漿草 陶弘景云益州有苦

菜乃是苦蕒法即龍葵也 蘇頌曰葉如茄子葉故一名天茄子

蘇恭曰龍葵所在有之俗名苦菜然非茶也葉圓花白
子若牛李子生青熟黑但堪煮食不任生噉

李時珍曰龍葵龍珠一類二種也處處有之四月生嫩
苗時可食柔滑漸高二三尺莖大如筋似燈籠草而無
毛五月後開小白花結子味酸亦可食

蔞葵

即紫草子

爾雅曰蔞葵繁露也

其葉最能承露其子垂垂如綴露故名又一名

蔞葵一名天葵一名御菜一名燕脂菜一名落葵落字疑蔞字相傳之訛

陶弘景曰落葵人家多種之葉可飪鮓食甚滑

李時珍曰落葵三月種之嫩苗可食五月蔓延其葉肥厚軟滑可作蔬和肉食子紫黑色揉取汁可染布物謂之胡燕脂但久則色易變

蔓菁爾雅曰蕒蕒從

說文曰蕒蕒菁也一名九英菰一名諸葛菜一曰蕒蕒一名蕒一名

芥廣志曰蕒菁有紫花者有白花者劉禹錫云諸葛亮所止令兵士皆種蔓菁者取其纔出甲可生啖一也葉舒可羹食二也久居則隨以滋長三也棄不令惜四也回則易尋而採五也冬有根可食六也溪蠻叢話云獠獠所產馬王菜味澀多刺即諸葛菜也相傳馬以所遺故云蘇頌曰南北皆有北土尤多河東太原所出其根極大陳藏器本草曰蕒菁南北之通稱也今并汾河朔間燒食其根呼為蕒根塞北種者名

九英蔓菁根大
并將為軍糧

齊民要術曰種不求多唯須良地故墟新糞壞墻垣乃

佳若無故墟糞者以灰為糞令厚一寸灰多則燥不生也一耕地欲熟七月初種

之一畝用子三升從處暑至八月白露節皆得早者作蒔晚者作乾漫散而勞

種不用濕濕則地堅菜焦既生不鋤九月末生收葉晚收則黃落仍

留根取子十月中犂麓時拾取耕出者若不耕時則留者英不茂實不

繁也其葉作蒔者料理如常法擬作乾菜及釀蒔者釀蒔者後

年正月始作耳須留第一割訖則尋手擇治而辦之勿好菜擬之其蒔法列後條

待姜

姜而後
辨則爛

挂著屋下陰中風涼處勿令烟熏

烟熏則苦燥

則上在厨積置以苦之

積時宜候天陰潤不爾多
碎折久不積苦則澀也

春夏

畦種供食者與畦葵法同剪訖更種從春至秋得三輩

常供好菹取根者用大小麥底六月中種十月將凍耕

出之

一畝得數車
早出者根細

又多種蕪菁法近市良田一頃七月

初種之

六月種者根雖粗大葉復蟲食七月未種者
葉雖青潤根復細小七月初種根葉俱得

擬

賣者純種九英

九英葉根粗大欲
自食者須種細根

一頃取葉三十載正

月二月賣作釀菹三載得一奴收根依時法一頃收二

百載二十載得一婢

細劉和莖飼牛羊全擬乞猪并得充肥亞于大豆耳

一頃收

子二百石輸與壓油家三量成米此為收粟米六百石

亦勝谷田十頃

玄扈先生曰種蔓菁宜用北人畦種菜法及具下壟種油菜法厚糞勤灌之宜

得三
倍收

漢桓帝詔曰橫水為災五穀不登令所傷郡國皆種蕪菁以助民食然此可以度凶年救飢饉乾而烝食既甜且美自可藉口何必飢饉若值凶年一頃乃活百人耳

玄扈先生曰人久食蔬無穀氣則有菜色唯蕪菁獨否其莖根皆膏潤故也蕪菁味似芋兩物皆似穀氣故漢

詔種蕪菁以助民食而
史稱食蹲鴟至死不飢

崔寔曰四月收蕪菁及芥苳歷冬葵子六月中伏後七
月可種蕪菁至十月可收也

孟祺農桑輯要曰耕地宜加糞往復勻蓋秋初可種自
破甲至結子皆可食十月初挽苗燂作和菜餘者臘過
留根在地或慮河朔地寒凍死可於十月終以牛隔兩
犁耕一犁拾去菜根之後卻將場土擺勻據先耕出之

數臘過月烝食甜而有味

玄扈先生曰賈氏言種宜七
月初六月種者蟲食余家七

月種者甚苦蟲惟六月種者根株稍大蟲不能傷耳遇連日陰雨易生青蟲須勤撲治

又曰十月終犁出蕪菁根數畧過冬月烝食甜而有味
春生臺苗亦菜中上品四月收子打油 芝蔴易種收
多油不發風油臨用時熬動少摻芝蔴煉熟即與小油
無異

臞仙神隱曰凡種蕪菁以鰻鱖魚汁浸其子曬乾種之
無蟲

本草衍義曰蕪菁今世俗謂之蔓菁夏則枯當此之時

蔬圃中復種之謂之雞毛菜食心正在春時諸菜之中

有益無損於世有功採擷之餘收子為油

玄扈先生曰
蔓菁獨留根

取子者當六月種明年四月收耳若供食者正月至八月無月不可種賈氏所謂自春至秋得三輩常供好菹

此云雞毛菜者無亦謂其鱗次供用耳

玄扈先生曰南方種蕪菁收子多在芒種後梅雨中子

既不實亦有莢中生芽者漫將作種便無大根加以密

種少糞其變為菰亦無怪也今欲稀種多壅似亦無難

獨梅時多雨非人力可為近立一法可得佳種凡蕪菁

春時摘臺者生子遲半月若摘臺二遍即遲一月矣宜將留種蕪菁分作三停其一不摘臺擬芒種後收子其一摘臺一遍擬夏至後收子其一摘臺二遍擬小暑後收子南方梅雨多在夏至前或時在夏至後小暑後伏時多晴分作三次收定有一兩次不秕者又復簡擇淘汰稀種厚壅無緣可變為菰矣

又曰蕪菁擇子下種出甲後即耘出小者作茹若不欲移植即取次耘出存其大者令每本相去一尺許若欲

移植俟長五七寸擇其大者移之

又曰種法先薙草雨過耕地不雨先一日灌地濕透明日熟耕作畦或耬種或漫散子覆土厚一指五六日內遇雨不須灌無雨肩水溝中遙潤之種少者噴壺下水或水斗遙灑之無澆土令實苗寸以上灌水糞

又曰種蕪菁用故墟壞牆基甚善但此地不能多宜得沙土高燥者厚壅之若欲廣植用早稻地亦佳但須六七月下種俟刈稻後作速耕糞移植

又曰有三晉人傳種蕪菁法先下子侯苗長可蒔豫耕熟地作畦每畦深七八寸起土作壠蒔苗其上壠土虛浮根大倍常也或徑于壠上下子亦得種蘆葍法同

本草圖經曰南人取北種種之初年相類至二三歲則

變為菰矣

玄扈先生曰按唐本草注云菰菜不生北土有人將子北種初一年半為蕪菁二年菰種

都絕有將蕪菁子南種亦二年都變土地所宜須有此例其子亦隨色變但粗細無異耳菰子黑蔓菁子紫赤大小相似據如此說則南之菰北之蔓菁種類因地必無移植之理然圖經于菰菜條下又言今京都種菰都類兩種但肥厚差不及耳則菰未嘗不宜北也余家種蔓菁三四年亦未嘗變為菰也獨其根隨地有大小亦

如菸有厚薄齊民要術稱并州蕪菁根其大如碗口雖種他州子一年亦變而今三晉所產大於齊魯秦中所產大于三晉此理雖則有之顧小而為用何妨滋植耶秦中種瓜其大十倍他方他方亦不廢種瓜也王禎所謂悠悠之論率以風土不宜為說嗚呼此言大傷民事有力本良農輕信傳聞捐棄美利者多矣計根本者不可不力排其妄也又曰本草言南人種蕪菁變為菸此亦有故按菸與蕪菁本相似但根有大小耳北人種菜大都用乾糞壅之故根大南人用水糞十不當一又新傳得蕪菁種不肯如意糞壅二三年後又不知擇種其根安得不小如此便似蕪菁變為菸也吾鄉諸菜種大槩不若京師病皆坐此徒恨土之瘠薄或言種類不宜皆謬矣又耕地須極疎緩地非沙土多用草灰和之土若強緊根亦不大又曰種蔬果穀蒜諸物皆以擇種為第一義種一不佳即天時地利人力俱大半棄擲矣蕪菁子比菜稍遲正值梅天南方多雨子多不實者種時

務宜簸揚或淘汰或導擇取其最粗而圓滿者種之其本末俱大若漫種秕者即十不當一也

農桑通訣曰蔓菁四時仍有春食苗夏食心謂之臺子

秋可為菹冬蒸根食菜中之最有益者

杜詩云冬青飯之半

其子

九蒸九曝可搗為粉塗帛者資之亦可為油陝西惟食此油燃燈甚明能變蒜髮

李時珍曰六月種者根大而葉蠹八月種者葉美而根小唯七月初種者根葉俱良今燕京人以瓶醃藏謂之閉甕菜

齊民要術蒸乾蕪菁根法曰作湯淨洗蕪菁根漉著一斛甕子中以葦荻塞甕裏以蔽口著釜上繫甕帶以乾牛糞然火竟夜烝之甕細約熟謹謹著牙真類鹿尾烝而賣者則收米十石也

又蕪菁作鹹菹法曰收菜時即擇取好者管蒲束之作鹽水令極鹹於鹽水中洗菜即內甕中若先用淡水洗者菹爛其洗菜鹽水澄取清者瀉著甕中令沒菜肥即止不復調和菹色仍青以水洗去鹹汁煮為茹與生菜

不殊三日杼出之粉黍米作粥清搗麥麴麴作末絹篩
布菜一行以麴末薄塗之即下熱粥清重重如此以滿
甕為限其布菜法每行必莖葉顛倒安之舊鹽汁還瀉
甕中菹色黃而味美作淡菹用黍米粥清及麥麴末味
亦勝

又作湯菹法曰收好菜擇訖即於熱湯中燂出之若菜
已萎者水洗漉出經宿生之然後湯燂燂訖令水中灌
之鹽醋中熬胡麻油香而且脆多作者亦得至春不敗

又釀菹法曰

菹菜也
不切曰釀菹

用乾蔓菁正月中作以熱湯浸

菜令柔軟解辦擇治淨洗沸湯燂即出於水中淨洗便

復作鹽水斬度出著箔上經宿菜色生好粉黍米粥清

亦用絹篩麥麴末澆菹布菜如前法然後粥清不用大

熱其汁纔令相淹不用過多泥頭七日便熟菹甕以穰

茹之如釀酒法

玄扈先生曰齊民要術所著食物烹治古今習尚不同有難施用者今錄之一

見此種為用之博一見古人留心民事之勤耳大都此物兼芋魁蘆菹及松芥諸菜之用製造之法亦依諸品從事可也

附烏菰菜八月下種九月下旬治畦分栽

夏菰菜五月上旬撒子糞水頻澆密則芟之

蒜爾雅曰萬山蒜

說文曰蒜葷菜也按初中國止有小蒜一名澤蒜餘唯山蒜石蒜自張騫

使西域得大蒜種歸種之今京口有蒜山多出蒜蒜有大小之異大曰葫即今大蒜每頭六七瓣收條中子種者一年為獨蒜再種之則皆六七瓣矣小曰蒜葉似細葱而澀頭小如菖即今山蒜也王禎曰蒜性熱而有小毒氣極葷然以入臭肉掩臭氣夏月食之解暑辟瘴氣北方食餅肉不可無此家有其種多者收一二頃以供歲計今在在種之

齊民要術曰蒜宜良軟地

白軟地蒜甜美而科大黑軟地剛強之地辛辣而瘦小也

三徧熟耕九月初種種法黃暘時以耒耩逐壠手下之

五寸一株

諺曰左右過鋤一萬餘株

空曳勞二月半鋤之令滿三徧

勿以無草則不鋤不鋤則科小

條拳而軋之

不軋則獨科

葉黃鋒出則辨于

屋下風涼之處析之

早出者皮赤科堅可以遠行晚則皮壞而善碎

冬寒取穀

耨布地一行蒜一行耨

不雨則凍死

收條中子種者一年為

獨辦種二年者則成大蒜科皆如拳又逾于凡蒜矣

瓦子

壠底置獨辦蒜于瓦上以土覆之蒜科橫濶而大形容殊則亦足以為異今并州無大蒜朝歌取種一歲之後還成百子蒜矣其辦粗細正與條中子同蕪菁根其大如碗口雖種他州子一年亦變大蒜辦變小蕪菁根變

大二事相反其理難推又八月中方得熟九月中始刈得花子至于五穀蔬果與餘州早晚不殊亦一異也并州豌豆度井陘已東山東穀子入壺關上党苗而無實皆余目所親見傳信傳疑蓋土地之異者也

崔寔曰布谷鳴收小蒜六月七月可種小蒜八月可種大蒜

農桑通訣曰又一種澤蒜可以香食吳人調鼎率多用此根解殖更勝蔥韭此物易滋蔓隨斲隨合熟時採子漫散種之按諸菜之輩者惟宜採鮮食之經日則不美惟蒜雖久而味不變嫩臺亦可為蔬

又曰種法半尺地一根鋤治令淨時加糞壅菜上一尺許漸漸撥開上頭土見白則本大不爾止益草耳或結葉亦佳

四時類要種蒜作行下糞水澆之

務本新書蒜畦栽每窠先下麥糠少許地宜虛春暖則鋤拔臺時頻澆麥時人多食解暑毒蒜于肥地鋤成溝隴隔二寸栽一科糞水澆之八月初可種或以牛草鞋小便浸之將種包在內一夾糞土栽之上糞令厚其

大如碗

蔥爾雅曰茗山蔥

說文曰蔥葷菜也其色蔥蔥然故名蔥淺綠色凡四種由蔥胡蔥漢蔥

凍蔥一名乳草中有孔也一名鹿胎初生曰蔥針葉曰蔥青衣曰蔥袍並曰蔥白葉中涕曰蔥苒諸物皆宜故又名菜伯又名和事草王禎曰山蔥宜入藥胡蔥亦然食惟用漢蔥凍蔥耳漢蔥木蔥也漢蔥葉大而香薄冬即葉枯宜供盤食凍蔥葉細而益香又宜過冬比漢為勝或名大官蔥廣志曰蔥有冬春二種有胡蔥木蔥山蔥晉令曰有紫蔥昔龔遂渤海勸農口種蔥一畦非惟足供烹飪種多亦可資富梁呂僧珍其先服蔥為業及責其兄子棄業求官珍不許曰汝等自有常分不可妄求可速歸蔥肆爾可謂知所本矣

齊民要術曰收蔥子必薄布陰乾勿令浥鬱

此蔥性熱多喜浥鬱

沍鬱則不生

其擬種之地必須春種菜豆五月掩殺之比至

七月耕數遍一畝用子四五升

良田五升
薄田四升

炒穀拌和之

蔥子性溫不以穀扣下不
均調不炒穀則草穢生

兩耬重耩竅瓠下之以批契

繼腰曳之七月納種至四月始鋤鋤遍乃剪剪與地平

高留則無菜
深剪則傷根

剪欲旦起避熱時良地三剪薄地再剪八

月止

不剪則不茂剪過則根跳若
八月不止則蔥無袍而損白

十二月盡掃去枯葉

枯袍

不去枯葉春
初則不茂

二月三月出之

良地二月出
薄地三月出

收子者

別留之蔥中亦種胡荽尋手供食乃至孟冬為菹亦不

妨

崔寔曰二月別小蔥六月別大蔥七月可種大小蔥

夏蔥

曰小冬蔥曰大

四時類要種蔥炒穀攪勻塞樓一眼於一眼中種之他月蔥出取其塞樓一眼之地中土培之路密恰好又不勞移

王禎曰種法先以子畦種移栽却作溝壟糞而壅俱成大蔥皆高尺許白亦如之宿根在地來春併得作種移

栽之

又曰蔥種不拘時先去冗鬚微晒疎行密排種之宜糞
培壅猪糞雞鴨糞和粗糠壅之

韭禮記曰豐本爾雅曰藿山韭

說文曰韭子象葉出地上形一種而久生故謂

之韭一名草中乳言其溫補也一名起陽草一名嬾人
菜以其不須歲種也蘇頌曰韭一歲三四割其根不

傷至冬壅培之先春復生莖名韭白根名韭黃花名韭
菁韭之美在白在黃黃乃未出土者羅願云物久必

變故老韭為莧鄭玄曰久道得利陰變為陽故蔥變
為韭金幼攷北征錄曰雲臺戍地有野韭人皆採食

即許慎所謂截也王楙曰詩七月獻羔祭韭周禮
醢人其實韭俎禮王制庶人春薦韭以卵杜詩夜

雨剪春韭 樂天詩秋韭花初白 玄
扈先生曰種樹詩云深其畦為容糞也

齊民要術曰收韭子如蔥子法

若市上買韭子宜試之以銅鑪盛水加于火上

微煮韭子須臾芽生者好芽不生者是沍鬱矣

治畦下水糞覆悉與葵同然畦

欲極深

韭一剪一加糞又根性上跳故須深也

二月七月種種法以升盞

合地為處布子于園內

韭性內生不向外畏園種令科盛

蔣令常淨

韭性

多撒數

高數寸剪之

初種時止一剪

至正月掃去畦中陳葉凍

解以鐵杷耬起下水加熟糞韭高三寸便剪之剪如蔥

法一歲之中不過五剪

每剪杷耬下水加糞悉如初

收子者一剪則

留之若早種者但無畦與水耳耙糞悉同一種永生

崔寔曰正月掃除韭畦中枯葉七月藏韭菁

菁韭把出菁韭花也

王禎曰凡近城郭園圃之家可種三十餘畦一月可割
兩次所易之物足供家費積而計之一歲可割十次秋
後可採韭花以供蔬饌之用謂之長生韭至冬移根藏
于地屋蔭中培以馬糞煖而即長高可尺許不見風日
其葉黃嫩謂之韭黃比常韭易利數倍北方甚珍之又
有就舊畦內冬月以馬糞覆之于迎陽處隨畦以蜀黍

籬障之用遮北風至春蔬其芽早出長可三二寸則割而易之以為嘗新韭

韭二月下旬撒子九月分栽十月將稻草灰蓋三寸許又以薄土蓋之則灰不被風吹立春後芽生灰內則可取食天若晴暖二月中芽長成菜以次割取舊根常留分栽更不須撒子矣

四時類要九月收韭子種韭不如栽作行令通鋤割一遍以耙耬之令根不相接為佳如此當葉濶如薤

博聞錄韭畦若用雞糞尤好

薤

音械古文作薤

爾雅曰薤鴻薤

一名莪子一名火蔥一名薤子一名菜芝薤韭之大者也

收種宜火熏故名火蔥又一種山薤生山中莖葉與薤相類而差長大即爾雅所謂薤也亦可供食但不多有王禎曰薤本出魯山平澤今處處有之葉似韭而濶本豐而白深本草云雖辛不葷五臟學道人長餌之以其能溫中通神安魂魄續筋力爾漢北海太守龔遂勸農家種薤百本民獲其利

齊民要術曰種薤宜曰軟良地三轉乃佳二月三月種

秋種亦得率七八支為一本

諺曰蔥三薤四移蔥者三支為一本種薤者四支為

十科然支多者科圓大故以七八為率

薤子三月葉青便出之

未青而出者肉未滿

令薤

燥曝按去芋餘切却薑根

留薑根而濕者即瘦細不得肥也

先重

耨耩地壟燥培而種之

壟燥則薤肥耨重則白長

率一尺一本葉生

即鋤鋤不厭數

薤性多稼荒則羸惡

五月鋒八月初耩

不耩則白短

葉

不用剪

剪則損白供常食者別種

九月十月出賣

經久不出也

擬種子至

春地釋即曝之

農桑通訣曰杜甫詩云束比青芻色圓齊玉筋頭或取

其白芼酒尤佳樂天詩云酥煖薤白酒又內則曰切蔥

薤實諸醢以柔之碎錄云豚脂用蔥膏用薤然則酒也

醢也膏也無施不可種法與韭同

薑魯論不撤薑食

說文傑溫之菜也之美者有楊僕之薑

呂覽春秋曰和註楊僕蜀地名

史記曰種十畦薑與千戶侯等

春秋運斗樞云璇

星散而為薑

蘇頌曰薑以漢溫池州者為佳苗高二

三尺葉似箭竹葉而長兩兩相對薑性畏日而惡濕故

秋熱則無薑初生嫩者其大微紫名曰紫薑或作子薑

宿根謂

之母薑

齊民要術曰薑宜白沙地少與糞和熟耕如麻地不厭

熟縱橫七徧尤善三月種之先種耒耨尋壟下薑一尺

一科令上土厚三寸數鋤之六月作葦屋覆之

不耐寒熱故

九月掘出置屋中中國土不宜薑僅可存活勢不滋息
玄扈先生曰今北土種之甚滋息矣云不宜也

崔寔曰三月清明節後十日封生薑至四月立夏後蠶
大食芽生可種之九月藏此薑裹荷其歲若溫皆待十

月

生薑謂之此
薑此音紫

四時類要種薑澗一步作畦長短任地形橫作壠相去
一尺餘深五六寸壠中一尺一科帶牙大如三指澗蓋
土厚三寸以蠶沙蓋之糞亦得牙出後有草即耘漸漸

加土已後壟中卻高壟外即深不得併上土鋤不厭頻
農桑通訣曰凡種宜用沙地熟耕或用鋤深掘為善三
月畦種之畦濶一步長短任地橫作壟深可五七寸壟
中一尺一科以土上覆厚三寸許仍以糞培之益以蠶
糞尤佳芽出生草勤鋤之壟中漸漸加土培壅一法用
蓆草覆之勿令他草生使薑芽自迸出覆其上六月用
枝葉作棚以防日曝

薑性不耐寒熱故爾或只用帶葉枯枝扦插

四月竹筴

爬開根土取薑母貨之不虧元本秋社前新芽頃長分

採之即紫薑芽色微紫故名最宜糟食亦可代蔬劉屏
山詩云恰似勻粧指柔尖帶淺紅似之矣白露後則帶
絲漸老為老薑味極辛可以和烹飪蓋愈老而愈辣者
也曝乾則為乾薑醫師資之今北方用之頗廣九月中
掘出置屋中宜作窖穀稈合埋之今南方地暖不用窖
至小雪前以不經霜為上拔去日就土晒過用筲筍盛
貯架起下用火熏三日夜令濕氣出盡却掩筲口仍高
架起下用火熏令常煖勿令凍損至春擇其芽之深者

如前法種之為効速而利益倍諺云養羊種薑子利相當

王楨曰薑宜耕熟肥地三月種之以蠶沙或腐草灰糞覆蓋每壠濶三尺便于澆水待芽發後又掘去老薑上作矮棚蔽日八月收取九十月宜掘深窖以糠秕合埋暖處免致凍損以為來年之種置火閣亦可

又云按薑辛而不葷去邪辟羶蔬茹中之拂士也日用不可闕

芥本草云芥植名水蘇

陶弘景曰芥似菘而有毛味辣可生食一名勞粗一名辣菜一

名臘菜

王楙曰芥字從介取其氣辛而有剛介之性

其種不一有青芥紫芥白芥南芥荆芥旋芥馬芥石芥

皺葉芥雲臺芥蜀芥即胡芥也劉恂嶺南異物志曰

南土芥高五六尺子大如雞子芥極多心嫩者為芥藍

又有一種花芥葉多刻缺如蘿蔔英冬

月食者俗呼臘菜春月食者俗呼春菜

齊民要術曰種芥子及蜀芥雲臺取子者皆二三月好

雨澤時種

三物性而耐寒經冬則死故須春種

又曰蜀芥雲臺芥取葉者皆七月半種地欲糞熟蜀芥

一畝

用子一升

崔寔曰六月大暑中伏後可收芥子七月八月可種芥
務本新書芥菜宜秋前種大槩雖不及蔓菁餘亦頗同
子作芥花芥末如近郭芥菜宜多種芸臺芥子種同蜀
芥每畝用子四升足霜始收辛不甚香經三冬以草覆
之不死至春復可供食

王禎曰今江南農家所種如種葵法俟成苗必移栽之
早者七月半後種遲者八月種厚加倍壅草即鋤之旱即灌之冬芥經
春長心中為鹹淡二俎亦任為鹽菜

又云十月收蕪菁訖時收蜀芥

又云如即收子者即不摘心夫芥之為物心多而耐久味辣而性溫可搗取汁以供庖饌

務本新書曰芥藍二月畦種苗高剝葉食之剝而復生刀割則不長加火煮之以水淘浸或炒熅或拌食或包餛飩或捲餅生食頗有辛味五月園枯此菜獨茂故又曰主園菜食至冬月以草覆其根四月終結子可收作未根又生葉又食一年陝西多食此菜若中人家但

能自種三兩畦藍菜并一二畦韭周歲之中甚省菜錢
玄扈先生曰芥菜八月撒種九月治畦分栽糞水頻灌
冬月淹藏家家用度晒乾于無煙雨處架起三年亦可
食

原荑說文後

註可以香口其莖柔葉細而根多鬚綏綏然也一名胡荑張騫使西域始得種歸故

名一名香荑并汾之間避石勒諱胡也俗呼為原荑原乃莖葉布散之貌俗作莞非又有一種名石胡荑亦名鶯不食草載在本

草堪入藥却非此種

齊民要術曰胡荑宜黑軟青沙良地三偏熟耕

樹陰下不得和

豆處亦得春種者用秋耕地開春凍解地起有潤澤時急接

澤種之種法近市負郭田一畝用子二升故概種漸鋤取賣供生菜也外舍無市之處一畝用子一升疎密正

好六七月種一畝用子一升先曝晒欲種時布子於堅

地一升子與一掬濕土和之以脚蹉令破作兩段

多種者以

磚瓦蹉之亦得以木礮之亦得子有兩人各著故不破兩段則疎密水沍而不生著土者令注入穀中則生疾而長連種時欲燥此菜非雨不生所以不求濕下也於旦暮潤時以耒耨作壟

以手散子即勞令平

春雨難期必先藉澤蹉蹉失機則不得矣地正月中凍解者時節既

早雖浸芽不生但燥種之不須浸子地若二月始解者
歲月稍晚恐澤少不時生失歲計矣便於煖處籠盛胡
荑子一日三度以水沃之二三日則芽生於旦暮時投
潤漫擲之數日悉出矣大體與種麻相似假令十日二
十日未出者亦勿怪之尋菜生二三寸鋤去概者供食
自當出有草方令拔之

及賣十月足霜乃收之取子者仍留根間拔令稀

概即不生

以草覆上

覆者得供生食又不凍死

又五月子熟拔取曝乾

勿使令濕濕則

滯格柯打出作蒿蒿盛之冬日亦得入窖夏還出之但

不濕亦得五六年停一畝收十石都邑糴貴石堪一足

絹若地柔良不須重加耕墾者於子熟時好子稍有零

落者然後拔取直深細鋤地一遍勞令平六月連雨時
耨生者亦尋滿地省耕種之勞秋種者五月子熟拔去
急耕十餘日又一轉令好調熟如麻地即於六月中早
時耨耩作壟蹠子令破手散還勞令平一同春法但既
是早種不須耨潤此菜早種非連雨不生所以不同春
月要求濕下種後未遇連雨雖一月不生亦勿怪麥底
地亦宜種止須急耕調雖名秋種會在六月六月中無
不霖望連雨生則根強科大七月種者雨多亦得雨少

則生不盡但根細科小不同六月種者便十倍失矣大都
都不用觸地濕入中生高數寸鋤去穢者供食及賣作
殖者十月足霜乃收之一畝兩載載直絹三疋若留冬
中食者以草覆之尚得竟冬中食其春種小小供食者
自可畦種畦種者一如葵法若種者接生子令中破籠
盛一日再度以水沃之令生芽然後種之再宿即生矣
晝用箔蓋夜則去之晝不蓋熟不生夜不去蟲穢之
芽生無不即生矣

玄扈先生曰畦種水澆
何必須連雨乎可必乎

王禎曰先將子捍開四月五月七月晦日晚宜種種宜濕地以灰覆之水澆則易長

又曰胡荽其子搗細香而微辛食饌中多作香料以助其味於蔬菜子葉皆可用生熟皆可食甚有益于世也齊民要術曰作胡荽菹法湯中漂出之著大甕中以煖蓋經宿水浸之明日汲水淨洗出別器中以鹽酢浸之香美不苦亦可洗訖作粥津麥麴味如釀芥菹法亦有一種味作裹菹者亦須漂去苦汁然後乃用之矣

博聞錄曰胡荽必於月晦日晚下種

雲臺服虔通俗文曰胡菜

註羌隴氏胡多種此菜能歷霜雪故名或云塞外有地名

雲臺戍始種此菜故名一名油菜 陶弘景云雲臺乃人間所噉菜也 寇宗奭曰雲臺經冬不死辟蠹 李

時珍曰乃今油菜也形色微似白菜冬末春初採心為茹三月則老不可食開小黃花四瓣結莢收子灰赤色炒過榨油然燈甚明近人因有油利種者頗廣

齊民要術曰雲臺一畝

用子四升種法與蕪菁同既生亦不

鋤之

又云雲臺足霜乃收

不足霜即澀

又云旱則畦水澆五月熟而收子

莖臺冬天草覆亦得取子種種又得生茹

食供

王禎曰莖臺不甚香經冬根不死

便民圖纂曰油菜八月下種九十月治畦以石杵春穴
分栽用土壓其根糞水澆之若水凍不可澆至二月間
削草淨澆不厭頻則茂盛臺長摘去中心則四面叢生
子多子可榨油袒可壅田

藏菜七月下種寒露前後治畦分栽栽時用水澆之待

活以清糞水頻澆遇西風則不可澆

玄扈先生曰吳下人種油菜法先于白露前日中鋤連泥草根晒乾成堆用穰草起火將草根煨過約用濃糞攪和如河泥復堆起頂上作窩如井口秋冬間將濃糞再灌三次此糞灰泥為種菜肥壅也到明年九月耕菜地再三鋤令極細作壠并溝廣六尺壠上橫四科科行相去各一尺五寸用前糞灰泥勻撒土面然後將菜栽移植植之明日糞之地濕者糞三水七乾者糞一水九

如是三四遍栽漸盛漸加真糞冬月再鋤壟溝泥鍤起加壟上一則培根一則深其溝以備春雨臘月又加濃糞生泥上春月凍解將生泥打碎正二月中視田肥瘦燥濕加減加糞壅四次二月中生臺摘取之糟醃聽用即復多生臺心花實益繁立夏後拔科收子中農之入畝子二石薪十石薪中用蠶簇也種蔓菁法宜倣此菠菜菠薐一名赤根又名波斯草

劉禹錫云菠薐本西國中種自頗陵國將

其子來今呼其名語頗訛耳博聞錄菠菜過月朔乃生須二十七八間種之月初即生種時須以其子研開

易浸
脹

農桑輯要云菠薐作畦下種如蘿蔔法春正月二月皆可種逐旋食用秋社後二十日種于畦下以乾馬糞培之以備霜雪十月內以水沃之以備冬食

農桑通訣曰菠薐七八月間以水浸子殼軟撈出控乾就地以灰拌撒肥地澆以糞水芽出惟用水澆待長仍用糞水澆之則盛

春月出臺至春暮莖葉老時用沸湯掠過晒乾以備園

枯時食用甚佳實四時可用之菜也

莧爾雅曰蕒赤莧

莖葉皆高大易見故從見莧亦多種有馬齒莧鼠齒莧及糠莧此野莧也

若夫赤莧白莧紫莧紅莧人莧又有五色莧皆可蔬茹人白二莧亦可供藥易言莧陸氏大謂其柔脆也列子言寧生程程生馬馬生人馬者馬莧馬藍草之類人者人參人莧之類也

農桑輯要曰人莧但五月種之園枯則食

今人有三四月種者如

欲出種留食不盡者八月收子本草云不可以莧菜與鼈同食則生鼈瘕試以鼈甲如豆片大者以莧菜封裹之置于土坑以土蓋之一宿盡變成鼈也

莧菜二月間下種三月下旬移栽于茄畦之旁同澆灌之則茂

茼蒿蓬蒿

形氣同于蓬蒿故名 王禎曰同蒿者葉綠而細莖稍白味甘脆

農桑通訣曰茼蒿春二月種可為常食秋社前十日種可為秋菜如欲出種春菜食不盡者可為子俱是畦種其葉又可湯泡以配茶茗實菜中之有異味者

李時珍曰八九月下種冬春採食四月起莖花淺黃色如單瓣菊花結子近百成毬最易繁茂

甜菜

古作
恭

釋名恭菜

即恭
達也

農桑通訣曰菰蓬作畦下種如蘿蔔法春二月種之夏四月移栽園枯則食如欲出子留食不盡者地凍時出于暖處收藏來年春透可栽收種或作蔬或作羹或作菜乾無不可也

本草云莖灰淋汁洗衣其白如玉

便民圖纂曰菰蓬八月下種十月治畦分栽頻用糞水澆之

芹爾雅曰芹楚葵

芹古作蘄一名水英按生江湖陂澤間者水芹也生平地者旱芹也二月

生苗其葉對節生

晉書立春日以芹芽為菜盤相饋

又有紫芹出太行黃屋可制豕不可食

又一種馬芹

爾雅曰茭牛蘄葉細銳可食亦芹類也

別有

一種黃花者名毛芹食之殺人蛟龍食之亦病

齊民要術曰芹菜收根畦種之常令足水尤忌灌漑及

鹹水澆之則死性易繁茂而甜脆勝野生者

陶隱居曰二三月芹作莢時可作俎及熟燻食之

玄扈先生曰野芹須取嫩白為佳輕鹽一二日湯焯過

晒須一日乾方妙

葠

古莖字

小雅薄言采芑

疏云苦菜也青州謂之芑

說

白色摘其葉白汁出脆可生食亦可烝為茹按莖有三種白莖苦莖蒿莖皆不可烹煮故通曰生菜彭秉曰蒿

菜自周國

來故名

農桑通訣曰蒿莖作畦下種如菠薐法但得生芽先用
水種浸一日於濕地上布襯置子于上以盆碗合之候
芽漸出即種正二月種之可為常食秋社前一二日種
者可為醃菜其莖去皮蔬食又可糟藏謂之蒿笋

苜蓿爾雅翼曰木粟

言其米可炊飯也

郭璞作牧宿謂其宿根自生可飼牧牛馬也

漢書西域傳曰罽賓有苜蓿大宛馬武帝時得其馬漢使採苜蓿種歸陸機與弟書曰張騫使外國十八年得苜蓿歸西京雜記曰樂遊苑自生玫瑰樹下多苜蓿苜蓿一名懷風時人或謂光風草風在其間蕭蕭然日照其花有光彩故名懷風茂陵人謂之連枝草李時珍曰二月生苗一科數十莖葉綠色入夏及秋開細黃花結小莢圓扁旋轉有刺內有米如擦米可為飯亦可釀酒

齊民要術曰地宜良熟七月種之畦種水澆一如韭法

玄扈先生曰苜蓿須先剪一上糞鐵杷掘之令起然後下水

早種者重耬耩地使壟

深濶竅瓠下子批契曳之每至正月燒去枯葉地液輒耕壟以鐵齒鋤耨耨之更以魯斫斫其科土則滋茂

矣不爾則瘦一年則三刈留子者一刈則止春初既中生噉

為羹甚香長宜飼馬尤嗜之此物長生種者一勞永逸都邑負郭所宜種之

崔寔曰七月八月可種苜蓿

玄扈先生曰苜蓿七八年後根滿地亦不旺宜別種之根亦中為薪

紫蘇爾雅曰蘇桂荏

註曰蘇荏類也故名桂荏一名赤蘇又有一種白蘇王禎曰蘇六

畜所不犯類能全身遠害者于五谷有外護之功于人
有燈油之用東人呼為魚以其似蘇字但除木旁故

也塋方葉圓而有尖四圍有齒肥地者背面皆紫瘦地背紫面青面背皆白即白蘇也 荏子白者良黃者不

美荏即今白蘇子也

齊民要術曰荏隨宜園畔漫擲便歲歲自生荏子秋末

成可收蓬於醬中藏之

蓬荏角也實成則惡

其多種者如種穀法

雀甚嗜之必須近人家種

收子壓取油可以煮餅

荏油色綠可愛其氣香美煮餅亞胡

麻油而勝麻子脂膏麻子脂膏並有腥氣然荏油不可為澤焦人髮研為羹臠美於麻子遠矣又可以為燭良地十石多種博谷則倍收於諸田不同也為帛煎油彌佳

荏油性淳塗帛勝麻油

玄扈先生曰二月三月下種或宿子在地自生

務本新書凡種五穀如地畔近道者亦可另種蘇子以遮六畜傷踐收子打油燃燈甚明或熬油以油諸物王禎曰蘇子碾之雜末作糜甚肥美下氣補益

蘇採葉茹之或鹽或梅酒作菹食甚香夏月作熟湯飲五六月連根收採以火煨其根陰乾經久則葉不落

蓼爾雅曰藟虞蓼

郭璞注虞蓼澤蓼也一名水蓼

齊民要術曰三月可種蓼蓼性甚易生蓼尤宜水畦種也

崔寔曰正月可種蓼

家政法曰三月可種蓼

齊民要術曰蓼作菹者長二寸則剪絹袋盛沈於醬甕

中又長更剪常得嫩者

若待秋子成而落莖既堅硬葉又枯燥也

取子者候

實成速取之

性易凋零晚則落盡

五月六月中蓼可為齏以食菹

蘇恭曰莖赤色水按食之勝于蓼子

寇宗奭曰水蓼造酒取葉以水浸汁和麴作麴蓋取其

辛耳

蘭香羅勒也

北人避石勒諱改蘭香一名醫子草以其子能入目去醫也 韋弘賦敘曰羅勒者

生崑崙之丘出西蠻之俗案今世大葉而澁者名朝膊香矣 劉禹錫曰蘭香處處有之有三種一種似紫蘇

葉一種葉大二十步內即聞香一種堪作生菜

齊民要術曰三月中候棗葉始生乃種蘭香

早種者徒費子耳天

寒不生 治畦下水一同葵法及水散子訖水盡徒熟糞僅

得蓋子便止

厚則不生弱苗故也

晝日箔蓋夜則去之

晝不宜見日色夜須

受露氣

生即去箔常令足水六月連雨拔栽之

掐心著泥中亦活

作蒔及乾者九月收

晚即乾惡

作乾者大晴時薄地刈取布

地曝之乾乃按取末甕中盛須則取用

拔頭懸者衰爛又有雀糞塵土

之患也

取子者十月收

自餘雜香菜不列者種法悉與此同

博物志曰燒馬蹄羊角成灰春散著濕地羅勒乃生

事類全書云香菜常以洗魚水澆之則香而茂溝泥水
米泔亦佳夏秋採葉可作菜食或切葉以芼諸菜或於
素食麵粉之類皆可覆食以助香味也

俞貞木種樹書曰香菜與土龍腦不得用糞澆澆則不
香只以溝泥水米泔汁澆之佳

蓂荷說文菑直也

搜神記作嘉草一名覆直一名蓂草一名傳直與芭蕉音相近潘岳閒

居賦云蓂荷依陰蘇頌曰荆襄江湖間多種之北方亦有春初生葉似芭蕉根似蘆芽而肥其葉冬枯根堪為菹性好陰在本下生者尤美史遊急就章曰蓂荷冬日藏其來遠矣然有赤白二種赤者堪啖崔豹古今注云似芭蕉而白色楊慎丹鉛錄云蓂荷注甘露甘露即芭蕉也玄扈先生曰蓂荷絕似芭蕉芭蕉結子此不結子有時開花承甘露故又名為甘露子非蓂生之甘露也今嶺北人家所種蕉皆蓂荷耳

齊民要術曰蓂荷宜在樹陰下二月種之一種永生亦

不須鋤微須加糞以土覆其上八月初踏其苗令死

不踏

則根不滋潤

九月中取旁生根為菹亦可醬中藏之十月終

以穀麥種覆之

不覆則凍死

二月掃去之

食經藏蓂荷法蓂荷一石洗漬以苦酒六斗盛銅盆中著火上使小沸以蓂荷稍稍投之小萎便出著席上令冷下苦酒三斗以二升鹽著中乾梅三升使蓂荷一鹽酢澆上綿覆罌口二十日便可食矣

崔豹曰其子花生根中花未敗可食久則消爛

寇宗奭曰八九月間醃貯以備冬月作蔬果

甘露子

苗長四五寸許根如果珠味甘而脆故名甘露

王禎曰凡種宜於園圃近陰地春時種之用麥糠為糞地宜沾潤為佳至秋乃收

務本新書曰白地內區種暑月以麥糠蓋之承露滋肩以是得名

又云宜肥地熟鋤取子種其根皆連珠須耘淨方茂又云甘露子生熟可食可用蜜或醬漬之作豉亦得

菌爾雅曰中馗菌小者菌

郭璞曰地蕈也似蓋今江東名為土菌亦曰馗厨可啖之

王禎曰菌皆朽株濕氣蒸浥而生中原呼菌為菌茹又為菰又一種謂之天花桑樹上生者呼為桑菰施之

素食最佳雖南北異名而其用則一今江南山中松下生者名為松滑菌之種不一名亦如之野蕈如赤菰黃耳皆可食然辨之不精多能毒人雖甘無益也不復具載玄扈先生曰北土有羊脂菜生天定中此蕈根所為也南土有天仙菜此茅根所為也有竹菇竹根所為也他如天花麻姑雞蹤猴頭之屬皆草木根腐壞而成者又曰五木耳亦桑槐榆楊楮所生

四時類要曰三月種菌子取爛構木及葉於地理之常以泔澆令濕三兩日即生又法畦中下爛糞取構木可長六七寸截斷碓碎如種菜法於畦中勻布土蓋水澆長令潤如初有小菌子仰杷推之明旦又出亦推之三

度後出者甚大即收食之本自構木食之不損人

玄扈先生

曰構樹即穀樹也一名楮葉有瓣曰楮無瓣曰構見段成式酉陽雜俎


農桑通訣曰取向陰地擇其所宜木

風諸栲等樹

伐倒用斧

碎砍成坎以土覆壓之經年樹朽以草碎剉勻布坎內謂之驚禪雨雪之餘天氣蒸暖則草生矣雖踰年而獲以繼取及土覆之時用泔澆灌越數時則以槌棒擊樹其利則甚博采訖遺種在內來歲仍發復相地之宜易歲代種新採趁生煮食香美曝乾則為之香草今深山

窮谷之民以此代耕殆天茁此品以遺其利也



農政全書卷二十八

欽定四庫全書

子部

農政全書卷三十九

詳校官中書_臣寶汝翼

編修_臣倉聖脈覆勘

總校官進士_臣朱 鈐

校對官編修_臣沈清藻

謄錄監生_臣黃臣鵠

欽定四庫全書

農政全書卷二十九

明 徐光啓 撰

樹藝

果部上

棗爾雅曰壺棗邊要棗齊白棗檳酸棗楊徹齊棗遵羊
棗洗大棗萸填棗蹶世苦棗哲無寔棗還味棗郭璞注曰

今江東呼棗太而銳者爲壺壺猶瓠也要細腰今之鹿
盧棗齊即今棗子白熟棗酢 遵實小而圓紫黑色俗

呼羊矢棗即羊棗也 今河東猗氏大棗子如雞卵蹏
泄子味苦暫不著子者還味短味也 陸佃埤雅曰大
曰棗小曰棘棘酸棗也 河東安邑出御棗今名落
蘇 樂氏棗豐肌細核多膏肥美舊傳樂穀自燕攜來
感咨棗即大白核小而肥 穀城紫棗長三寸 章
邨脆棗實小而圓生食脆美不能久留 西王母棗冬
夏有葉九月生花十一月乃熟大如李核三子一赤又
云名玉文棗其實如瓶 羊角棗亦三子一赤 青城
無核棗實小核僅有形食之不覺 密坊棗味佳出應
天府密坊門 洛陽夏白棗 汲郡墟棗 信都大棗
梁國夫人棗 堯山有歷棗 又有三星棗駢曰棗
灌棗狗牙棗雖心棗牛頭棗獼猴棗氏棗夕棗木棗桂
衆棠棗丹棗崎嶇棗玉門棗水菱棗說文云棗棗也似
柿而小 陶弘景曰出青州者形大而核細多膏甚甜
鬱州玄市者亦好微不及耳 李時珍曰棗本赤心有
刺四月生小葉尖眈光澤五月開小花白色微青 本

卓衍義曰南北皆有之然南棗堅燥不如北棗肥美生于青晉絳者尤佳

齊民要術曰常選好味者留栽之候棗葉始生而移之

棗性硬故主晚栽
早者堅格生遲也

三步一樹行欲相當

如本年芽未出勿遽刪除諺云

三年不算死亦
有久而復生者

令牛馬覆踐令淨

棗性堅強不以苗棕是以耕荒穢則蟲生

所以須淨地堅
銳故宜踐也

正月一日日出時反斧班駁椎之名嫁

棗

不椎則花無實子而零落也玄扈先生曰北方棗木歲歲嫁之結實繁盛而木俱內傷不堪作材

候

大蠶入簇以杖擊其枝間振落狂花

不打花繁則實不成

全赤即

收收法日日撼落之為上人家凡有阜勞之地不任耕

稼者歷落種棗則任矣

棗性燥收故任阜勞之地

太史公曰安邑千樹棗其人與千戶侯等

羣芳譜曰棗全赤即收撼而落之為上半赤而收者肉未充滿乾則色黃而皮皺將赤味亦不佳全赤久不收則皮破復有鳥雀之患一法將纔熟棗乘清晨連小枝葉摘下勿損傷通風處晾去露氣揀新缸無油酒氣者清水刷淨火烘乾晾冷取淨稈草晒乾候冷一層草一層棗入缸中封嚴密可至來歲猶鮮

齊民要術曰先治地令淨布椽於箔下置棗於箔上以

椽聚而復散之一日中二十度乃佳夜仍不聚

得霜露氣乾速

成陰雨之時乃聚而苦之

五六日後別擇取紅軟上高廚上曝之

上廚

者已乾雖厚一尺亦不壞

擇去胖爛者其未乾者曝曬如法

食經曰作乾棗法須治淨地鋪菰箔之類承棗日曬夜

露擇去胖爛曝乾收之切而曬乾者為棗脯煮熟榨出

者為棗膏亦曰棗瓢蒸熟者為膠棗加以糖蜜拌烝則

更甜以麻油葉同蒸則色更潤澤搗棗膠曬乾者為棗

油其法取紅軟乾棗入釜以水僅淹平煮沸漉出砂盆
研細生布絞取汁塗盤上曬乾其形如油以手摩刮為
末收之每以一匙投湯盃中酸甜味足即成美漿用和
米麴最止飢渴益脾胃也盧諶祭法云春祀用棗油即
此

寇宗奭曰青州人以棗去皮核焙乾為棗脯以為奇果

桃爾雅曰旄冬桃欛桃山桃

郭璞注曰旄桃子冬熟山
桃實如桃而不解核羣芳

譜曰欛桃一名毛桃味惡不堪食其仁充滿多脂可入
藥 鄴中記曰石虎苑中有句鼻桃重二斤 洛中毘

人面桃不實鴛鴦桃千葉深紅開最後結實不雙李	千葉桃花色淡結實少美人桃花粉紅千葉又名	者味甘色黃銀桃形圓色青白肉不粘核六月中熟	極佳金桃形長色黃如金肉粘核多蛀熟遲用柿接	花最密絳桃千葉二色桃色粉紅花開稍遲千葉	武帝上林苑有緗桃紫文桃金城桃瑞仙桃色深紅	絨比諸桃開遲而色可愛積石桃大如斗斛器漢	花盛暑方熟漢明帝時獻緋桃俗名蘇州桃花如剪	多子小不堪啗惟取仁出汴中常山巨核桃霜下始	小於衆桃有赤斑點光如塗油月令中桃始花即此花	性熱方桃形微方餅子桃狀如香餅味甘油桃	桃彼地名波淡樹仁甘美番人珍之新羅桃子可食	六丈圓四五尺葉似桃而濶三月間白花花落結實如	白波斯國扁桃形扁肉澀不堪食核狀如盆樹高五	裏微赤得霜始熟味甘美日月桃一枝二花或紅或	帶桃一名王母桃一名仙人桃一名冬桃形如荏萋表
----------------------	---------------------	----------------------	----------------------	---------------------	----------------------	---------------------	----------------------	----------------------	-----------------------	--------------------	----------------------	-----------------------	----------------------	----------------------	-----------------------

桃花深紅形圓色青肉不粘核其實光澤如李一名光
桃 十月桃花紅形圓色青肉粘核味甘酸十月中成
熟一名古冬桃又名雪桃 水蜜桃上海有之其味亞
於生荔枝 雷震紅每雷雨過輒見一紅暈更為難得
甚輕 壽星桃樹矮而花能結大桃然不堪食 廬山
有山桃大如檳榔又有白桃烏桃 五月桃秋桃胭脂桃
灰桃秋白桃秋赤桃綺帶桃合桃 農桑通訣曰早熟
者謂之絡絲白晚熟者謂之
過雁紅夏秋咸有食之不匱

齊民要術曰種法熟合肉全埋糞地中

直置凡地則不
茂桃惟早實三

歲便結子故
不求穀也

至春既生移栽實地

若仍糞中則實
小而味苦矣

栽法

以鋤合土掘移之

桃性易種難栽若離本
上率多死故須然矣

又法

桃熟時牆南陽中暖處深寬為坑選取好桃數十枚擘取核即內牛糞中頭向上取好爛和土厚覆

之令厚尺餘至春桃始動時徐徐撥去糞土皆因生芽合取桃種之萬不失一其味以熟糞糞之則益桃味

桃性皮急四年以上宜以刀豎剮其皮

不剮者皮急則死

七八

年便老

老則子細

十年則死

是以宜歲歲常種之

便民圖纂曰於暖處為坑春間以核埋之蒂子向上尖

頭向下長二三寸許和土移種其樹接杏最大接李紅

甘

種樹書曰柿接桃則為金桃李接桃則為李桃梅接桃

則為脆桃

羣芳譜曰或云種時將桃核刷淨令女子豔粧種之他
日花艷而子離核

凡種桃淺則出深則不生故其根淺不耐旱而易枯近
得老圃所傳云於初結實次年斫去其樹復生又斫又
生但覺生虱即斫令復長則其根入地深而盤結固百
年猶結實如初

桃實太繁則多墜以刀橫斫其幹數下乃止又社日春

根下土持石壓樹枝則實不墜桃子蛀者以荻猪首汁
冷澆之或以刀疎斫之則穰出而不蛀如生小蟲如蚊
俗名蚜蟲雖桐油灑之不能盡除以多年竹燈檠掛懸
樹梢間則蟲自落甚驗

李時珍曰生桃切片淪過曝乾可充果食

又酢法取桃爛自零者收去內之於甕中以物蓋口七
日之後既爛漉去皮核密封閉之三日酢成香美可食
三月三日採桃花酒浸服之除百病好顏色

又三月三日取桃花陰乾為末收至七月七日取烏雞血和塗面光白潤色如玉

李

附棠

爾雅曰休無實李座接慮李剝赤李

荊州記曰房陵南郡

有名李

風土記曰南郡細李四月先熟

西京雜記

曰有朱李黃李紫李綠李青李綺李青房李車下李顏

回李合枝李光李燕李猴李武帝修上林苑羣臣獻木

李實大而美麥李麥秀時熟實小有溝肥甜一名座

一名接慮南居李解核如杏堪入藥李春李冬花

春實御黃李形大而味厚核小而甘香均亭李紫

而肥大味甘如蜜擘李熟則自裂熊李一名離李

肥粘如饅中植李麥前熟趙李無核一名休御

李大如櫻桃紅黃色先諸李熟赤駁李其實赤冬

李十月十一月熟離核李似柰有劈裂經李一名

老李樹數年即枯 杏李味小酸似杏 縹青李出房陵 建黃李出河沂 又有黃扁李夏李青皮李赤陵李馬肝李牛心李紫粉李小青李水李扁縫李金李鼠精李晚李赤李之類今建寧者甚甘李乾皆出焉 李時珍曰李名嘉慶子出東都嘉慶坊今人呼乾李為嘉慶子稱謂既熟不復知其自矣梵書名李曰居陵迦琳國玉華李五千歲一熟 員邱紅李 鍾山李大如瓶食之生奇光 天台水晶李

便民圖纂曰取根上發起小條移栽別地待長又移栽成行栽宜稀不宜肥地肥則無實宜臘月移栽 玄扈先生曰李

接桃梅易活且耐久亦耐糞

齊民要術曰樹下欲鋤去草穢而不用耕墾

耕則肥而無衍實樹

下犁撥即死

桃李大率方兩步一根

大槩連陰則子細而味不佳管子曰三沃之土

其木宜梅李韓詩外傳云簡王曰春樹桃李夏陰其下秋得食其實春種蒺藜夏不得採其實秋得刺焉家政法曰二曰從梅李也

李性耐久樹得三十年老雖枯枝子亦不細嫁李法正

月一日或十五日以磚著李樹岐中令實繁

又臘月中以杖微打

岐間正月晦日復打之亦足子也又以黃醴酪火捺著樹枝間亦良樹寒實多者故多束之以取火焉

李時珍曰用鹽曝糖藏蜜煎為果惟曝乾白李有益

其法

用夏李色黃便摘取於鹽中按之鹽入汁出然後合鹽曬令萎手捻之令褊復曬更捻極褊乃止曝乾餘酒時

以湯洗之澆著
蜜中可酒矣

附棠棣如李而小子如櫻桃熟食美北方呼之林思又
名郁李

梅爾雅曰梅柟時英梅

郭璞注曰梅似杏實醋英子雀梅廣志曰蜀名梅為藤大如

雁子

綠萼梅凡梅花跗蒂皆絳紫色惟此純綠枝梗

亦青實大五月熟特為清高重葉梅花葉數層如小

白蓮結實多雙消梅實圓鬆脆多液無滓落地必碎

惟可生噉不入煎造玉蝶梅花甚可愛冠城梅實

甚大五月熟時梅實大五六月熟早梅四月熟

冬梅實小十月可用不能熟千葉紅梅出湘閩有福

州紅潭州紅邵武紅鶴頂梅實大而紅鴛鴦梅花

輕盈葉數層凡雙果必並蒂惟此一蒂而結雙梅雙

頭紅梅葉重或結並蒂小實不堪喫 杏梅色淡紅實扁而斑味似杏 水梅實吐自葉罅不花色如水玉無核含之自融如水 墨梅花黑如墨或云以苦楝樹接者 又有千葉黃臘梅侯梅朱梅紫梅同心梅紫蒂梅麗枝梅胭脂梅百葉梅湘梅 梅先衆木而花子赤者材堅子白者材脆 接本葉皆如杏實赤于杏而酸亦嗽生

便民圖纂曰春間取核埋糞地待長三二尺許移栽其樹接桃則實脆若移大樹則去其枝梢大其根盤沃以溝泥無不活者

接法春分後用桃杏體杏更耐久

梅譜云江梅野生者不經栽接花小而香

子小
而硬

齊民要術曰栽種與桃李同

梅實採半黃者籠盛於突上熏乾者烏梅

濃燒穰以湯沃之取汁以

梅投之使澤乃出蒸之則不蠹烏梅入藥不仕調食

青者以鹽漬之日曬夜漬十

晝夜為白梅亦可蜜煎糖藏以充果飮

白梅調鼎和熟蓋所在多仕

者榨汁曬收為梅醬

夏月可調水飲

陸機詩疏云其實酢曝乾

為脯入羹臠羹中又可含以香口

食經曰蜀中取梅極大者剝皮陰乾勿令得風經二宿

去鹽汁內蜜中月許更易蜜經年如新

一糖脫取青梅每百個以刀劃

成路將熟冷醋浸一宿取出控乾別用熟醋調沙糖一斤半浸沒入新瓶內以箸紮口仍覆碗藏地深一二尺

用泥上蓋過白露節取出換糖浸

杏釋名曰甜梅

廣志曰有黃杏有李杏西京雜記曰文杏材有文形濟南金杏大如梨黃

如橘熟最早味最勝一名漢帝杏榮陽白杏熟時色白或微黃味甘淡而不酢沙杏甘而多汁世稱水杏

而扁肉厚味佳一名肉杏木杏形扁色青黃味酢不

堪食山杏不堪食可收仁用玄紫杏蓬萊杏赤杏齊民要術曰梅花早而白杏花晚而紅梅實小而酸

核有蓋文杏實大而甜核無文采世人或不能辨言梅杏為一物失之遠矣花六出者必雙仁有毒千葉者

不結實 葉似梅差大色微紅圓而有尖花二月開未
開色純紅開時色白微帶紅至落則純白矣實如彈丸
有大如梨者
生酢熟甜

便民圖纂曰熟杏和肉埋核於糞土中待長四尺許大
則移栽不移則實小而苦

凡薄地不生生亦不茂至春
生後即換地移栽不移則實

小而味苦若種下一年不
可種植則肥而不實矣

四時類要曰既移不得更於糞地必致少實而味苦移
須含土三步一樹概即味甘服食之家尤宜種之

樹大
花多

實根最淺以長石
壓根則花盛子牢

種杏宜近人家

樹大戒移栽移則不茂正月鏹樹下地通陽氣二月除樹下草三月離樹五步

作畦以通水旱則澆灌遇有霜雪則燒烟樹下以護花苞

桃樹接杏結果紅而且大又耐久不枯

釋名曰杏梅皆可以為油

生杏可曬脯作乾果食之

杏熟時榨濃汁塗盤中曬乾以手摩刮收之可和水調麴

食

齊民要術曰杏子仁可以為粥

多枚買者可以供紙墨之直也

嵩高山記曰牛山多杏自中國喪亂百姓飢餓皆資此

為命人人充飽

神仙傳曰董奉居廬山為人治病不取錢重病得愈使種杏五株輕病一株數年中杏有十數萬株杏熟於林中所在作倉宣語買杏者不須求報但自取之其一器穀便得一器杏奉悉以前所得穀賑救貧乏

梨爾雅曰山檣

郭璞注曰即今梨檣一名快果一名果宗一名蜜父一名玉乳廣志曰洛陽

北邙張公夏梨海內惟有一樹常山真定山陽鉅野梁國睢陽齊國臨菑鉅復並梨上黨棣梨小而加甘廣都梨又云鉅鹿豪梨重六斤數人分食之新豐箭谷梨弘農京兆及扶風郡界諸谷中梨多供御陽城

秋梨夏梨 三秦記曰漢武東園一名御宿有大梨如斗落地即碎取者以布囊盛之名曰含消梨 荊州風土記曰江陵有石梨 永嘉青田邨民家有一梨樹名曰官梨樹大一圍五寸常以貢獻名曰御梨實落地即融釋 西京雜記曰上林苑有青玉梨金柯梨縹蒂梨紫條梨紫梨芳梨實小青梨實大大容梨細葉梨 瀚海梨出瀚海地耐寒不枯 本草圖經曰乳梨又名雪梨出宣州皮厚而肉實鶯梨出近京州郡及北都皮薄而漿多味差短於乳梨香則過之其餘有水梨消梨紫煤梨赤梨甘棠梨禦兒梨之類 又有桑梨惟堪煮食今北地有香水梨最為上品 太上帝之藥玄光梨塗山有梨大如斗紫色

齊民要術曰種者梨熟時全埋之經年至春地釋分栽之多著熟糞及水至冬葉落附地刈殺之以炭火燒頭

二年即結子

若穠生及種而不栽者著子遲每梨有十許惟二子生梨餘皆生杜

插者彌

疾插法用棠杜

棠梨大而細理杜次桑梨大惡棠石榴上插得者為上梨雖治十收得一二也

杜如臂已上皆任插

當先種杜經年後插之至冬俱下亦得然俱下者地死則不生也

杜樹大者插五枝小者或二梨葉微動為上時

玄扈先生曰凡

貼法皆於葉微動時無不活者

將欲開芽為下時先作麻紐纏十許匝

一鋸截杜令去地五六寸斜攢竹刺皮木之際令深一

寸許折取其美梨枝陽中者陰中枝則實少長五六寸

亦斜攢之令過心大小長短與籤等以刀割梨枝斜攢

之際剝去黑皮

勿令傷青皮青皮傷即死

拔去竹籤即插梨令至割

處木還向木皮還近皮插訖以綿裹杜樹封熟泥於上

以土培覆之勿令堅固百不失一

梨枝甚脆培土時宜慎之勿使掌撥護撥

護則折

其十字破杜者十不收一

所以然者木裂皮開虛燥故也

梨既生杜旁有葉出輒去之

不去勢分梨長必遲玄
危先生曰凡樹皆然

凡插梨園中者用旁枝庭前者中心

旁枝葉下上易收
中心上聳不妨

用根邊小枝樹形可喜五年方結子鳩脚老枝三年即

結子而樹醜

吳氏本草曰金釧乳婦不可食梨多食即損人非補益之物產婦蓐中及疾病未愈

食梨多者無不致病欬逆氣上者尤宜慎之

便民圖纂曰梨春間下種待長三尺許移栽或將根上發起小科栽之亦可俟幹如酒鍾大於來春發芽時取別樹生梨嫩條如指大者截作七八寸長名曰梨貼將原幹削開兩邊插入梨貼以稻草緊縛不可動月餘自發芽長大就生梨梨生用箬包裹恐象鼻蟲傷損在洞庭山用此法或用身接根接尤妙春分可插

栽梨春分前十日取旺梨笋如拐樣截其兩頭火燒鐵器烙定津脉卧栽於地即活

齊民要術曰凡遠道取梨者下根即燒三四寸可行數

百里猶生

藏梨法初霜後即收

霜多即不得經夏也

於屋下掘作深陰坑底

無令潤濕收梨置中不須覆蓋便得經夏

摘時必令好接勿令損傷

物類相感志云梨與蘿蔔相間收藏或削梨蒂種于蘿蔔上藏之皆可經年不爛今北人每於樹上包裹過冬

乃摘亦妙

凡醋梨易水熟煮則甘美而不損人也

太史公曰淮北榮河南濟之間千株梨其人與千戶侯

等

好梨多產於北土南方惟宣城者為勝

魏文帝曰真定郡梨大如拳甘若蜜脆若菱可以解煩
熱參之神農經中療病之功亦為不少西路產梨處用
刀去皮切作瓣子以火焙乾謂之梨花嘗充貢獻實為
佳果上可供於歲貢下可奉於盤珍張敷稱百果之宗
豈不信乎

栗

附榛

爾雅曰櫟其實栳

郭璞注曰有栳景自裴廣志曰關中大栗如雞子大蔡伯喈

曰有胡栗魏志云有東夷韓國山大栗狀如梨三秦

記曰漢武帝栗園有栗十五顆一升王逸曰朔濱之

栗西京雜記曰榛栗塊栗嶧陽都尉栗都尉曹龍所

獻其大如拳栗之大者為板栗中心扁子為栗楔稍

小者為山栗山栗之圓而末尖者為錐栗圓小如橡子

者為莘栗小如指頂者為芽栗即所謂栳栗也一名栳

栗可炒食之劉恂嶺表錄云廣中無栗惟新州山中

有石栗一年方熟圓如彈子皮厚而味如胡桃衍義

云湖北一種栗頂圓末尖謂之旋栗或云即榛栗也

與栗子圓而細惟江湖有之或云即莘也陸機疏曰

栗五方皆有周秦吳揚特饒漁陽及范陽生者甜美味

長楚書名篤迦本草圖經云兗州宣州者最勝治

腰脚之疾燕山栗小而味甘樹高二三丈花生多

刺極類櫟四月開花青黃色長條似胡桃花實有房彙

大者若拳中子三四小者若桃李中子惟一二

便民圖纂曰栗臘月或春初將種埋濕土中待長六尺

餘移栽二三月間取別樹生子大者接之

齊民要術曰栗種而不栽

栽者雖生尋死矣

要初熟出殼即裏

埋著濕土中

埋必須深勿令凍韋囊盛之見風日則不復生矣

若路遠者以

至春三

月悉芽生出而種之既生數年不用掌近

凡種成之樹皆不用掌近

栗性尤甚也

三年內每到十月常須草裏至二月乃解

不裏則還

死大戴禮夏小正曰八月零而後取之故不言剝之玄扈先生曰凡裏樹俱須三月解之

種樹書曰栗採時要得披殘明年其枝葉益茂

九月霜降乃熟其苞自裂而子墜者乃可久藏苞未裂者易腐也其花作條大如筋頭長四五寸可以點燈

玄扈

先生曰古賦云榛栗遽發栗熟自開殼落子

寇宗奭曰栗欲乾收莫如曝之欲濕收莫如潤沙藏之

至夏初尚如新也

藏乾栗法取稻灰淋取汁漬栗日出曬令栗肉焦燥不畏蟲得至後年春

夏藏生栗法著器中細沙可煨以盆覆之至後年二月皆生芽而不蟲者也

太史公曰秦饑應侯請發五苑之粟粟由是觀之本草

所謂栗厚腸胃補腎氣令人耐飢殆非虛語

附榛周官曰似栗而小

說文曰榛似梓實如小栗衛詩曰山有榛陸機詩疏云榛有

兩種一種大小枝葉皮樹皆如栗而子小形如橡子味亦如栗枝莖可以為燭詩所謂樹之榛栗者也一種高丈餘枝葉如水蓼子作胡桃味遼代上黨甚多久留亦易油壞

栽種與栗同其枝莖生樵爇燭明而無煙

太史公曰燕秦千樹栗其人與千戶侯等栗之利誠不減於棗矣本草言遼東榛子軍行食之當糧榛之功亦可亞於栗也

柰廣志曰檣掩藍柰也

與林檎一類而二種白者為素柰赤者為丹柰又名朱柰青者

為綠柰張掖有柰酒泉有赤柰魏明帝時諸王朝京賜東城柰一區陳思王謝曰柰以夏熟今則冬生物非時為珍恩以須為厚詔曰此柰從涼州來晉官閭簿曰秋有白柰西京雜記曰紫柰別有素柰朱柰涼州有冬柰色微碧大如兔頭上林苑紫柰大如升核紫花青汁如漆著衣難浣名脂衣柰樹與葉皆似林檎而實稍大味酸帶澀梵言謂之頻婆

齊民要術曰不種但栽之

種之雖生而味不佳

取栽如壓桑法

玄扈

先生曰此果最多蟲宜勤勤修治

栽之如桃李法亦可接林檎

便民圖纂曰花紅將根上發起小條臘月移栽其接法

與梨同摘實後有蛀處與修治橘樹同三月開花結子
若八月復開花結子名曰林檎

西方多柰家以為脯數十百斛以為蓄積如藏棗栗法
謂之頻婆糧

柰麪

其法拾爛柰內甕盆合勿令風入六七日許當大
爛以酒醃痛拌之令如粥狀下水更拌以羅漉去

皮子良久澄清瀉去汁更下水復拌如初看無臭氣乃
上瀉去汁置布於上以灰飲汁如作米粉法汁盡刀剔
大如梳掌於日中曝乾研作
末便甜酸得所芳香非常也

柰油

其法以柰搗汁塗繒
上曝燥取下色如油

李時珍曰今關西人以赤柰取汁塗器中曝乾名果單味甘酸可以饋遠又曰柰有冬月再實者

陶隱居云江東有之而北國最豐皆作脯

林檎一名來禽一名文林郎果一名蜜果

此果味甘能來衆禽于林

故有林禽來禽之名唐高宗時紀王李謹得五色林檎似朱柰以貢帝大悅賜謹為文林郎人因呼林檎為文林郎果又云其樹從河中浮來有文林郎拾得種之因以為名本草圖經曰木似柰實比柰差圓亦有甘酢二種甘者早熟而味脆美酢者差晚須熟爛堪噉陳士良云大長者為柰圓者為林檎夏熟小者味澀為柰又名楸子秋熟林檎樹二月開粉紅花六七月熟又有金紅水蜜黑五種李時珍曰其味酢者即楸子

也

栽壓法與柰同

此果根不浮歲栽故難求是以須壓也

又法於樹旁數尺

許掘坑洩其根頭則生栽矣凡樹栽者皆然

物類相感志云林檎樹生毛蟲埋蠶蛾于下或以洗魚

水澆之即止

林檎麩

林檎亦熟時劈破去子心蒂日曬令乾或磨或擣下細絹篩罨者更磨擣以細盡為限以方寸

匕投於梔中即成美漿不去蒂則大苦合子則不度夏留心則大酸若乾噉者以林檎麩一升和二麩二升味

正適調

冷金丹

林檎百枚蜂蜜浸十日取出別入蜂蜜五斤細
丹砂末二兩攪拌封泥一月出之陰乾飯後酒

時食一二

枚甚妙

柿

附梓柿
君遷子

說文曰柿赤實果也

廣志曰小者如小杏
王逸曰苑中牛柿

李

亢曰鴻柿苦瓜

張衡曰山柿

本草云黃柿出近京

州郡紅柿南北通有之朱柿出華山似紅柿而皮薄更

甘珍諸柿食之皆善而益人衍義曰柿有著蓋柿於

帶下別生一重有牛心柿蒸餅柿皆以形得名華州有

一等朱柿比諸品最小深紅色有一種塙柿又有梓柿

生江淮南似柿而青黑潘岳閒居賦云梁侯烏桕之柿

是也西陽雜俎云柿有七絕一壽二多陰三無鳥巢

四無蟲五霜葉可愛六嘉實七落葉肥大其樹高大四

月開花黃白

色八九月熟

荒政要覽曰三月間秧黑棗備接柿樹上戶秧五畦中
戶秧三畦下戶秧二畦凡坡陡地內各密栽成行柿成
做餅以佐民食

齊民要術曰柿有小者栽之無者取枝於槩棗根上插

之

柄而充反紅
藍棗似柿

便民圖纂曰冬間下種待長移栽肥地接及三次則全

無核接桃枝則成金桃

玄扈先生曰樹無再
接之理況三次乎

藏柿

柿熟時取之以灰汁燥再
三令汁絕著器中可食

烘柿

生柿置器中自然紅熟
澀味盡去其甘如蜜

酖柿

水一甕置柿其中數日即熟
但性冷亦有鹽藏者有毒

烏柿

火熏
乾者

柿糕

糯米一斗洗淨乾柿五十同搗成
粉如乾糞裹泥和拌之蒸食乃佳

柿餅

大柿去皮捻扁日曬夜露至乾納甕中
待生白霜取出一名白柿又名柿花

柿霜

即柿餅所出霜
也乃柿中精液

玄扈先生曰今三晉澤沁之間多柿細民乾之以當糧

也中州齊魯亦然

附栳栳

一名漆栳一名綠栳一名青栳一名烏栳一名花栳一名赤棠栳栳乃栳之小而卑者故名栳

他栳至熟則黃赤惟此雖熟亦青黑色搗碎浸汁謂之栳漆可以染魯扇諸物出宣歙荆襄閩廣間大如杏惟堪生啖不可為乾也閒居賦所謂梁侯烏栳之栳是也

君遷子

一名梗棗又作軟棗一名栳棗一名牛奶栳一名丁香栳一名紅藍棗生海南樹高大餘子中

有汁如乳汁甜美吳都賦平仲君遷是也其木類栳而葉長實亦尤佳美救荒本草以為羊矢棗亦誤矣

種軟棗法

陰地種之陽中則少實足霜色殷然後乃收之早收者澀不任食之也

安石榴博物志曰張騫出使西域得塗林安石榴種

以歸故名安石榴

一名若榴一名丹若一名金罌一名金龍一名天漿有富陽榴實大如碗

海榴來自海外樹僅二尺栽盆中結實亦大直垂至盆黃榴色微黃帶白花大于常榴結實甚多最易傳種河陰榴中間有三十八子四季榴四時開花秋結實實方綻旋復開花火石榴其花如火餅子榴花大不實番花榴花大于餅子出山東移他省便不若鄴中記云石虎苑中有安石榴子大如孟碗其味不酸抱朴子曰積石山有苦榴廬山記曰香爐峯頭有大盤石可坐數百人垂生石榴二月中作花色如石榴而小淡紅數紫萼輝曄可愛京口記曰龍岡縣有石榴西京雜記曰有甘石榴酉陽雜俎曰南詔有榴皮薄如紙農桑通訣曰出河陰者最佳其樹不甚高大枝柯附幹自地便生五月開花有大紅粉紅黃白四色實有甜酸苦三種果大如盂皮赤有黑斑皮中如蜂窠有黃膜隔之

齊民要術曰栽石榴法三月初取枝大如手大指者斬

令長一尺半八九枝共為一窠燒下頭二寸

不燒則漏失矣掘

圓坑深一尺七寸口經尺豎枝於坑畔

環口布枝令勻調也

置枯

骨礪石於枝間

骨石此是樹性所宜

下土築之一寸上一重骨石

平坎止

其上令沒枝頭一寸許也

水澆常令潤澤既生又以骨石布

其根下則科圓滋茂可愛

若孤根獨立者雖生亦不佳焉

十月中以藁

裹而纏之

不裹則凍死也

二月初解放若不能得多枝取一長

條燒頭圓屈如牛拘而橫埋之亦得然不及上法根強

早成其拘中亦安骨石其斷根栽者亦圓布之安骨石

于其中也

玄扈先生曰石榴須于春分前剪去繁枝及樹梢則實大

便民圖纂曰石榴三月間將嫩枝條插肥土中用水頻澆則自生根根邊以石壓之則多生果又須時常剪去

繁枝則力不分

玄扈先生曰此果最宜多種又宜痛剝

性喜肥濃糞澆之無忌當午澆花更茂盛蠶沙壅之佳不結子者以石塊或枯骨安樹叉間或根下則結子不落所謂榴得骸而葉茂也

農桑通訣曰藏榴之法取其實有稜角者用熟湯微泡

置之新甕瓶中久而不損若圓者則不可留留亦壞爛
榴房比他果最為多子北齊高延宗納妃妃母宋氏薦
石榴蓋取其房中多子之義北人以榴子作汁加蜜為
飲漿以代盃茗甘酸之味亦可取焉

道家書謂榴為三尸酒言三尸蟲得此果則醉也

農政全書卷二十九

欽定四庫全書

農政全書卷三十

明 徐光啓 撰

樹藝

果部下

荔枝上林賦曰離枝蜀都賦曰荔枝

一名丹荔一名飴坐真人其類有三

四十種以狀元香為最然不如長樂勝肉厚而味甘為種中第一第乾之不能如狀元香風味南記曰此木以荔枝為名者以其結實時枝弱而蒂牢不可摘取以刀斧剔去其枝故以為名生嶺南巴中泉福漳興化蜀

渝涪二廣州郡皆有之其品閩為最蜀川次之嶺南為下樹形團圓如帷蓋葉如冬青華如橘朶如蒲萄核如枇杷殼如紅繪膜如紫銷肉白如肪花於二三月實於五六月

農桑通訣曰荔枝根浮必須加糞土以培之性不耐寒

最難培植纔經繁霜枝葉枯死

玄扈先生曰亦云冬夏不凋

遇春二

三月再發新葉初種五六年冬月覆蓋之以護霜雪種之四五十年始開花結實其木堅固有經四百餘年猶能結實者

熟時人未採百蟲不敢近人纔採摘諸鳥蝙蝠之類羣

然傷殘故採者必日中而衆採之最忌麝香遇之花實

盡落

凡果皆然

曬荔

採下即用竹籬朗曬經數日色變核乾用火焙之以核十分乾硬為度收藏用竹籠箬葉裹之可以

致遠成朶曬乾者名為荔錦其肉生以蜜熬作煎嚼之如糖霜然名為荔煎北方無此種自漢南粵以備方物於是荔枝始通中國

農桑通訣曰漢唐時命驛馳貢洛陽取於嶺南長安來於巴蜀雖曰解獻傳置之速然腐爛之餘色香味之存者無幾蓋此果若離本枝一日色變二日香變三日味

變四五日外色香味盡皆去矣非惟中原不嘗生荔之
味江浙之間亦罕焉今閩中歲首亦曬乾者昔李直方
第果實或薦荔枝曰當舉之首魏文帝詔羣臣曰南方
果之珍異者有荔枝龍眼焉今閩中荔枝初著花時商
人計林斷之以立券一歲之出不知幾千萬億水浮陸
轉販鬻南北外而西夏新羅日本琉球大食之屬莫不
愛好重利以酬之夫以一木之實生於海濱巖險之遠
而能名徹上京外被四夷重於當世是亦有足貴者

龍眼

附山龍
眼龍荔

廣雅曰益智龍眼也

一名驪珠一名龍目
一名比目一名圓眼

一名蜜脾一名燕卵一名繡水團一名海珠藥一名川
彈子一名亞荔枝一名荔枝奴龍眼花與荔枝同開

樹亦如荔枝但枝葉稍小殼青黃色形如彈丸核如木
梳子而不堅肉白而帶漿其甘如蜜熟於八月白露後
方可採摘一朶五六十顆作一穗荔枝過即龍眼熟故
謂之荔枝奴福州興化泉州有之比荔枝特罕木性畏
寒北方亦無此種今充歲貢焉玄扈先生曰乾龍眼
肉勝荔枝且能補心氣大益人鮮食之大不如荔枝堪
奴作

曬龍眼

採下用梅鹵浸一宿取出曬乾用火焙之以核
乾硬為度如荔枝法收藏之成朶乾者名龍眼

錦

附山龍眼

出廣中夏月熟可噉此亦龍眼之野生者

龍荔

出嶺南狀如小荔枝而肉味如龍眼其身葉亦似二果故名曰龍荔不可生噉但可熟食

橄欖

附餘

橄欖一名青果一名忠果一名諫果

生嶺南及閩廣

州郡性畏寒江浙難種樹大數圍實長寸許形如訶子而無稜辨其子先生者居下後生者漸高有野生者波斯橄欖生邕州色類相似但核作兩瓣蜜漬食之綠欖色青綠核內無仁有亦乾小烏欖色青黑肉爛而甘取肉搥碎乾自有霜如白鹽謂之欖醬仁最肥大

有紋叢疊如海螺蛸色白外有黑皮最甘嫩方欖出廣西兩江洞中似橄欖有三角或四角

農桑通訣曰樹峻不可梯緣但刻其根方寸許內鹽於

其中一夕子皆自落蜜藏極甜生噉煮食之並消酒解

諸毒人誤食鰕鮐

即河魷

魚肝迷悶欲死者飲其汁立解

以其木作楫撥著魚皆浮出物之相畏有如此者此果南人尤重之可作茶果其味苦酸而澀食久味方回甘故昔人名為諫果然消酒解毒亦果中之有益於人者

一云以木釘釘之亦自落

附餘甘

惟泉州有之乃深山窮谷自生之物非人家所種其樹梢高其子梭形又如梅實兩頭銳始嚼

味酸澀飲水乃甘九月採比之橄欖酷相似以蜜藏之亦佳

櫻桃

附山嬰桃

爾雅曰楔荊桃

郭璞注曰今櫻桃楔桃大者如彈丸子有長八

廣雅曰

分者有白色者凡三種

櫻桃一名楔一名荊一名英桃一名鶯桃一名含桃

一名朱櫻一名牛桃一名麥英西京雜記列櫻桃含

桃為二種蘇頌曰櫻桃處處有之洛中者最勝其實

深紅者謂之朱櫻紫色皮裏有細黃點者謂之紫櫻味

最珍重又有正黃明者謂之蠟櫻小而紅者謂之櫻珠

味皆不及

極大者

齊民要術曰二月初山中取栽陽中者還種陽地陰中

者還種陰地

若陰陽易地則難生生亦不實此果性生陰地既入園圃便是陽中故多難得生宜

堅實之地不可用虛糞也又法二三
月間分有根枝栽土中糞澆即活

李時珍曰三月熟時須守護否則鳥食無遺也

其法以二破竹

相擊鳥聞聲自去或以網張其上鳥亦不至熟時以糞置其下則一樹齊熟

鹽藏蜜煎皆可

久食或同蜜擣作饅唐人以酪煎食之

櫻桃經雨則蟲自內生人莫之

見用水浸良久則蟲皆出乃可食也試之果然

附山嬰桃

本草釋名朱桃麥櫻英豆李桃孟詵曰此嬰桃俗名李桃又名奈桃前櫻桃名櫻非桃

也

別錄曰嬰桃實大如杏多毛四月採陰乾陶弘

景曰櫻桃即今朱櫻可煮食者嬰桃形相似而實率異

山間時有之李時珍曰樹如朱櫻但葉長尖不圓

子小而尖生青熟黃赤亦不光澤而味惡不堪食

楊梅博物志云地瘴處多生楊梅

一名杔子生江南嶺南山谷間會稽產者

為天下冠楊梅種類甚多大葉者最早熟味甚佳次則
卞山本出苕溪移植光福山中尤勝又次為青蒂白蒂
及大小松子揚州呼白者為聖僧樹若荔枝葉細青如
龍眼二月開花結實如楮實子內在核上無皮殼五月
熟生青熟則有
白紅紫三色

便民圖纂曰六月間取糞池中浸過核收盒二月鋤地
種之待長尺許次年三月移栽三四年後取別樹生子
枝條接之復栽山地其根多留宿土臘月開溝於根旁
高處離四五尺許以灰糞壅之不宜著根每遇雨肥水
滲下則結子肥大

物類相感志云桑樹接楊梅則不酸樹上生癩以甘草釘釘之則去

鹽藏蜜漬糖製火酒浸皆佳

林邑記云邑有楊梅大如盃盃青時酸熟則如蜜用以釀酒號為梅花酎甚珍重之

葡萄

附野葡萄

張騫使大宛取葡萄實於離宮別館旁盡種

之

一名蒲萄一名賜紫櫻桃

廣志曰有黃白黑三種

水晶葡萄暈色帶白如著粉形大而長味甘紫葡萄黑色有大小二種酸甜二味綠葡萄出蜀中熟時色綠至苦西番之綠葡萄名兔睛味勝糖蜜無核則

異品也 瑣瑣葡萄出西番實小如胡椒小兒常食可免生痘又云痘不快食之即出今中國亦有種者一架中間生一二穗雲南者大如棗味尤長波斯國所出大如雞卵可生食可釀酒最難乾不乾不可收 齊民要術曰蔓延性緣不能自舉作架以承之葉密陰厚可以避熱

便民圖纂曰二三月間截取藤枝插肥地待蔓長引上架根邊以煮肉汁或糞水澆之待結子架上剪去繁葉則子得霑雨露肥大冬月將藤收起用草包護以防凍損其根莖中空相通暮溉其根至朝而水浸其中澆以米泔水最良以麝入其皮則葡萄盡作香氣以甘草作針針其根則立死三元延壽書云葡萄架下不可飲酒恐蟲尿傷人 玄扈先生曰須春分便插太遲則有

漿出
損本

又法宜栽棗樹邊春間鑽棗樹作一竅引葡萄枝從竅

中過候葡萄枝長塞滿竅子斫去葡萄根托棗以生其

實如棗

十月中去根一步許掘作坑收卷葡萄悉埋之近枝莖薄安棗穰彌佳無穰直安土亦得不宜

濕濕則冰凍二月中還出舒而上架性不奈寒不埋即死其歲久根莖粗大者宜遠根作坑勿令莖折其坑外處亦掘土並穰陪覆之玄扈先生曰北方必須舒卷年遠亦難南方竟以穰草裹根可也

正月末取嫩枝長四五尺者卷為小圈先治地令鬆沃之以肥種時止留二節在外春氣萌動發芽盡萃于出

土二節不一年成大棚實大而多液生子時去其繁葉
遮露則子尤大忌澆人糞

齊民要術曰摘葡萄法

逐熟者一一零壹一作摘取從本至末悉皆無遺世人全房折

殺者

作乾葡萄法

極熟者一一零壓摘取刀子切去蒂勿令汁出蜜兩分扣內葡萄中煮四五沸漉出

陰乾便成矣滋味倍勝又夏月不敗

藏葡萄法

極熟時全房折取於屋下作廕坑坑內近地鑿壁為孔插枝於孔中選築孔使堅屋子置

土覆之經冬不異也

玄扈先生曰葡萄作酒極有利益然非西種不可亦可作醋作糖今山西亦作酒然不真也

附野葡萄

一名蔓蕒一名山葡萄蔓生苗葉花實與葡萄相似但實小而圓色不甚紫堪為酒

銀杏一名白果一名鴨脚子

銀杏以白得名鴨脚取其葉之似其木多歷歲年其

大或至連抱可作棟梁多生江南以宣城者為勝二月開花成簇青白色二更開花隨即卸落人罕見之一枝結子百十狀如棟子經霜乃熟爛去肉取核為果

便民圖纂曰春初種於肥地候長成小樹來春和土移栽以生子樹枝接之則實茂

農桑通訣曰春分前後移栽先掘深坑水攪成稀泥然後下栽子掘取時連土封用草要或麻繩纏束則不致碎破土封其子至秋而熟初收時小兒不宜食食則昏霍惟炮煮作粿食為美以泔油甚良類如緣李積而腐之惟取其核即銀杏也

其木有雌雄之意雄者不結實雌者結實其實亦有雌雄雌者二稜雄者三稜須雌雄同種其樹相望乃結實或雌樹臨水照影或鑿一孔納雄木一塊泥之亦結

採摘

熟時以竹篾箍樹本
擊蔑則銀杏自落

枇杷上林賦曰盧橘

枇杷易種葉微似栗冬夏不凋冬
花春實夏熟大者如雞子小者如

龍眼白者為上黃者次之無核者名焦
子出廣州李時珍曰枇杷非盧橘也

便民圖纂曰以核種之即出待春移栽三月宜接

橘

附柑柚佛手
柑金橘金豆

禹貢曰厥包橘柚錫貢

注云大曰柚小
曰橘然自是兩

種橘有數種有綠橘有紅橘有蜜橘有金橘而洞庭橘
為勝今充土貢又有黃橘扁小多香霧為上品芳

塌橘狀大而扁外綠心紅巨瓣多液春熟甚美包橘
外薄內盈隔皮可數一綿橘微小極軟美可愛不多結

凍橘八月花開冬結春采穿心橘實大皮光心虛
可穿又有沙橘早黃橘朱橘荔枝橘乳橘

油橘橘之下品 生南山山谷及江浙荆襄皆有之
木高可丈許刺出於莖間夏初生白花至冬實黃踰淮
則化為枳 閩中柑橘以漳州為最福
州次之樹多接成惟種成者氣味尤勝

便民圖纂曰正月間取核撒地上冬月搭棚春和撒去

待長二三尺許二月移栽澆忌猪糞既生橘摘後又澆

有蟲則鑿開蛀處以鐵線鈎取

一說以杉木塞其孔則蟲自死取蟲訖以硫黃

和土塞其竅

農桑通訣曰種植之法種子及栽皆可以枳樹截接或
掇栽尤易成宜於肥地種之冬收實後須以火糞培壅

則明年花實俱茂乾旱時以米泔灌溉則實不損落
玄扈先生曰此樹極畏寒宜于西北種竹以蔽寒風又
須常年搭棚以護霜雪霜降搭棚穀雨卸却樹大不可
搭棚可用礮糠櫨根柴草裹其幹或用蘆席寬裹根幹
礮糠實之

須記南枝掘深坑糞河泥實底方下樹下鬆土滿半坑
築實又下糞河泥方下土平坑又下糞河泥又加築實
則旺凡樹耐肥者皆用此法

以死鼠浸坑中浮起取埋根中極肥

種樹書曰南方柑橘雖多然亦畏霜不甚收惟洞庭霜雖多無所損橘最佳歲收不耗正謂此焉以死鼠浸溺缸內候鼠浮取埋橘樹根下次年必盛湟槃經云如橘得鼠其果子多

橘見屍則多實

玄扈先生曰冬寒無損正因種者多且培植有方耳惟閩廣地暖即無損耗而實甚佳勝浙者十倍

橘柚橙柑等須於臘月根邊寬作盤連糞三次不宜著

根遇春旱以水澆之雨則不必花實並茂橘之種不一
惟扁橘蜜罐甜瓶為佳湘橘耐久

最忌猪糞以茅灰及羊糞壅之多生實

農桑輯要曰西川唐鄧多有栽種成就懷州亦有舊日

橘樹北地不見此種若於附近面訪學栽植甚得濟用

畏寒多死
北地非宜

述異記曰越多橘柚園越人歲出橘稅

收藏

十月後將金橘安錫器內或芝蔴雜之
經久不壞藏菜豈中尤妙近米即爛

又法鋪乾松毛藏于不近酒處多不壞

農桑通訣曰惟皮與核堪入藥用皮之陳者最良又宜作食料其肉味甘酸食之多痰不益人以蜜煎之為煎則佳食貨志云蜀漢江陵千樹橘其人與千戶侯等夫橘南方之珍果味則可口皮核愈疾近升盤俎遠備方物而種植之獲利又倍焉其利世益人故非可與他果同日語也

柑一名木奴一名瑞金奴

農桑通訣曰柑甘也橘之甘者也莖葉無異於橘但無刺

為異耳生江漢唐鄧間而泥山者名乳柑地不彌一里
所其柑大倍常皮薄味珍脉不粘辦食不留滓一顆之
核纔一二間有全無者然又有生柑有郭柑有海紅柑
有衝柑雖品不同而温台之柑最良歲充土貢焉江浙
之間種之甚廣利亦殊博又有山柑洞庭柑出洞
庭皮細味美熟最早甜柑每顆八瓣未霜先黃鰻
頭柑生枝柑平蒂柑大如升出成都朱柑大
柑黃柑白柑沙柑江南嶺南為盛蜀次之實
似橘而圓大未經霜猶酸
霜後始熟柑樹猶畏冰雪

栽種與橘同

種樹書曰柑樹為蟲所食取螳窠於其上則蟲自去柑
之大者擘破氣如霜霧

李衡於武陵龍陽洲上種柑千樹謂其子曰吾州里有
千頭木奴不責汝衣食歲止一疋亦足用矣及柑成歲
輸絹數千疋故史游急就篇註云木奴子無凶年蓋言
可以市易穀帛也

柚爾雅曰柚條又曰櫟椹

郭璞曰柚屬也似橙而實酢大於橘橘皮薄味辛苦柚皮

厚而肥甘其肉有甘有酸酸者名胡柑一名條一名櫟一名壺柑一名臭橙廣雅謂之鑑實有大小二種小者如柑如橙俗呼為蜜箇大者如升如瓜俗呼為朱藥有圍及尺餘者俗呼香櫟閩中嶺外江南皆有之南人種其核云長成以接柑橘甚良呂氏春秋曰果之美者有雲夢之柚

佛手柑

木似朱欒而葉尖長枝間有刺植之近水乃生其實如人手有指有長尺餘者皮皺而光澤味

不甚佳而清香襲人置衣笥中雖形乾而香不歇可糖煎蜜煎作果甚佳搗蒜暴其蒂香更充溢浸汁洗葛紵

絕勝酸漿

金橘

一名金柑一名夏橘吳越江浙川廣間出營道者為冠五月開白花秋冬黃熟大者徑寸小者如指

頭糖造蜜煎皆佳廣人連枝藏之入臚醋尤香美

便民圖纂曰金橘三月將枳棘接之至八月移栽肥地

灌以糞水為佳

金豆

一名山金柑一名山金橘木高尺許實如櫻桃生青熟黃形圓而光濁皮甜可食味清而香美可蜜

漬

橙埤雅曰橙柚屬可登而成故字從登

一名棖一名鵲殼一名金

有兩刻缺者是也似橘樹而有刺葉大而形圓皮甚香厚而皺其熟味酸唐鄧問多有之江南尤盛北地亦無此種過淮則化為枳

種植與橘同

其皮香氣馥郁可以熏衣可以芼鮮可以和菹醢可以為醬蠶可以蜜煎可以糖製為橙丁可以蜜製為橙膏嗅之則香食之則美誠佳果也

其瓢洗去酸汁細切和蜜鹽煎成食之亦佳

桑葚

栽種別見
蠶桑部

爾雅曰桑辦有葚椹

農桑通訣曰嘗考之史傳三國魏武祖軍乏食乃得乾
葚以濟饑魏志武祖軍無糧新鄭長楊沛進乾葚後遷
沛為鄴令後漢王莽時天下大荒有蔡順採葚赤黑別
盛之赤眉賊見而問之順曰黑者奉母赤者自食蓋桑
葚乾濕皆可食可以救飢昔聞之故老云前金之末饑
歉民多餓莩至夏初青黃未接其桑葚已熟民皆食葚

獲活者不可勝計凡植桑多者甚黑時恐宜振落箔上
曬乾平時可當果食歉歲可禦飢餓雖世之珍異果實
未可比之適用之要故錄之

玄扈先生曰桑生甚者葉小而薄故蠶桑之家不得有
甚

木瓜爾雅曰楸木瓜

郭璞注曰實如小瓜酢可食一名鐵脚梨山陰蘭亭尤多西京亦有

之而宣城者為佳

李時珍曰其葉光而厚其實如小

瓜而有鼻津潤味不木者為木瓜圓小於木瓜味木而
酢濇者為木桃似木瓜而無鼻大於木桃味濇者為木
李亦曰木梨即檳榔及和圓子也鼻乃花脫處非臍蒂

也

農桑通訣曰木瓜種子及栽皆得壓枝亦生栽種與桃李同法秋社前後移栽至次年率多結實勝春栽者宣城人種蒔最謹始實則簇紙花薄其上夜露日曝漸而變紅花又如生本州以充土貢故有天下宣城花木瓜之稱

廣志曰木瓜子可藏枝可為數號一尺百二十節

詩疏義曰欲啖者截著熱灰中令萎薦淨洗以苦酒頭

汁蜜之可案酒食蜜封藏百日乃食之甚美凡腰腎脚

膝者服之不宜闕以蜜漬食亦堪益人

蜜漬之法先切皮煮令熟著水

中拔去酸味却以蜜熬成煎藏之

又宜去子爛烝搗作泥入蜜與薑作

煎飲用冬月尤美夫木瓜得木之正故入筋試以鉛霜

塗之則失醋味受金之制也五行相尅之義於此蓋亦

可驗此果既能愈疾又宜飲啖兼用有益誠可貴焉

弘陶

景曰木瓜最療轉筋如轉筋時但呼其名及書土作木瓜字皆愈此理亦不可解俗人挂木瓜杖云利筋脉也

植子爾雅云似梨而酢溢埤雅曰木桃

陶隱居本草注云木瓜利筋脛

又有榷植大而黃可進酒去痰榷子滋斷痢 禮記曰
榷梨曰櫟之鄭公不識榷乃云是梨之不臧者 雷公
炮炙論和圓子即此也 李時珍曰榷子乃木瓜之酢
澀者小於木瓜色微黃蒂核皆粗核中之子小圓也

淮南子曰樹榷梨橘食之則美嗅之則香莊子曰榷梨
橘柚皆可於口者蓋古人以榷列於名果今人罕食之
耳西川唐鄧多種此亦足濟用然榷味比之梨與木瓜
雖為稍劣而以之入蜜作湯煎則香美過之亦可珍也

榷植詩經曰木李埤雅曰木梨

鄭樵通志曰蜜榷拾遺
曰榷榷 李時珍曰榷

植乃木瓜之大而
黃色無重蒂者也

可浸酒去瘀置衣箱中殺蠹蟲

楨梲

李時珍曰即楨植之生於北土者蘇頌曰今關陝有之沙苑出者更佳其實類植但膚慢而多毛

味尤甘其氣芬馥

置衣箱中亦香

寇宗奭曰食之須淨去浮毛不爾損人肺其果最多生

蟲少有不蛀者

山植爾雅曰杔子槃梅

又名赤瓜子鼠植猴植茅植羊棣棠棣子山裏果此物生於田

原茅林中猴鼠喜食之故有諸名也

九月熟取去皮核搗和糖蜜作為植糕以充果物

亦可入藥

令人少睡
有力悅志

甘蔗說文曰諸蔗也

或為芋蔗或干蔗或即暗或甘蔗或都蔗所在不同漢書離騷俱

作柘有數種曰杜蔗即竹蔗綠嫩薄皮味極醇厚專用
作霜曰白蔗一名荻蔗一名劣蔗一名蠟蔗可作糖江
東為勝今江浙閩廣蜀川湖南所生大者圍數寸高丈
許又扶風蔗一丈三節見日則消遇風則折交趾蔗
長大餘取汁曝之數日成飴入口即消彼人謂之石蜜
叢生莖似竹內實直理有節無枝長者六七尺短者三
四尺八九月收莖可留至來年春夏
玄扈先生曰甘蔗糖蔗是二種

農桑輯要曰種法用肥壯糞地每歲春間耕轉四遍耕
多更好擺去柴草使地淨熟蓋下上頭宜三月內下種

迤南暄熱二月內亦得每栽子一個截長五寸許有節者中須帶三兩節發芽於節上畦寬一尺下種處微壅上高兩邊低下相離五寸卧栽一根覆土厚二寸栽畢用水澆澆止令濕潤根脉無致滄沒栽封旱則二三日澆一遍如雨水調勻每一十日澆一遍其苗高二尺餘頻用水廣澆之荒則鋤之無不開花結子直至九月霜後品嚐稽稈酸甜者或熟味苦者未成熟將成熟者附根刈倒依法即便煎熬外將所留栽子稽稈斬去虛梢

深堀窖阬窖底用草觀藉將耜耨豎立收藏於上用板蓋土覆之毋令透風及凍損直至來春依時出窖截栽如前法大抵栽種者多用上半截儘堪作種其下截肥好者留熬沙糖若用肥好者作種尤佳

煎熬法若刈倒放十許日即不中煎熬將初刈倒耜耨去梢葉截長二寸碓搗碎用密筐或布袋盛頓壓擠取汁即用銅鍋內斟酌多寡以文武火煎熬其鍋隔牆安置牆外燒火無令煙火近鍋專令一人看視熬至稠粘


似黑棗合色用瓦盆一隻底上鑽著頭大竅眼一個盆
下用甕承接將熬成汁用瓢豁於盆內極好者澄於盆
流於甕內者止可調渴水飲用將好者止就用有竅眼
盆盛頓或倒在瓦罌內亦可以物覆蓋之食則從便慎
勿置於熱炕上恐熱開花大抵煎熬者止取下截肥好
者有力糖多若連上截用之亦得

玄扈先生曰熬
糖法未盡于此

家法政曰三月可種甘蔗

雲都縣土壤肥沃偏宜甘蔗味及菜色餘縣所無一節

數寸長供獻御



農政全書卷三十